

# হযরত ফাতিমা ( আ. )

মূল:

দার রাহে হাক প্রকাশনীর লেখকবৃন্দ

অনুবাদ:

মোহাম্মদ নূরে আলম

আহলে বাইত ( আ. ) বিশ্ব সংস্থা, ইরান এবং একরা সাংস্কৃতিক সংস্থা, সাতক্ষীরা, বাংলাদেশ

विषमिन्द्राश्विन राश्वमानिष राश्विम

হযরত ফাতিমা (আ.)

মূল: দার রাহে হাক প্রকাশনীর লেখকবৃন্দ

অনুবাদ: মোহাম্মদ নূরে আলম

সম্পাদনা: আবুল কাশেম

প্রকাশক: আহলে বাইত (আ.) বিশ্ব সংস্থা, ইরান এবং একরা সাংস্কৃতিক

সংস্থা, সাতক্ষীরা, বাংলাদেশ

প্রথম প্রকাশ : ১৪৩০ হিজরী, ২০০৯ খৃষ্টাব্দ

## ওহী ও রেসালতের নবজাতক

### এক নজরে ফাতেমা

নাম: ফাতেমা, সিদ্দীকা, মুবারিকাহ, তাহিরাহ, যাকিয়্যাহ, রাযিয়্যাহ, মারযিয়্যাহ, মুহাদ্দিসাহ, এ বং যাহরা।<sup>১</sup>

ডাক নাম : উমুল হাসান, উমুল হুসাইন, উমুল মুহিসন, উমুল আয়েম্মা এবং উম্মে আবিহা।<sup>২</sup>

কিছু সুপরিচিত উপাধি : যাহরা, বাতুল, সিদ্দীকা, কুবরা, মুবারিকাহ, আযরা, তাহিরা এবং সাইয়েদাতুন নিসা।<sup>৩</sup>

পিতা : ইসলামের মহা সম্মানিত রাসূল ( সা.) হযরত মুহাম্মাদ ইবনে আবদুল্লাহ ( সা.)।

মাতা : ইসলাম গ্রহণকারী সর্বপ্রথম নারী, আল্লাহর রাসূল (সা.)- এর সর্বপ্রথম স্ত্রী খাদীজাতুল কুবরা।

জন্ম : পবিত্র নগরী মক্কায়, নবুওয়াত লাভের পঞ্চম বছর।<sup>৪</sup>

শাহাদাত : পবিত্র মদীনা নগরী, হিজরী একাদশ বছর, রাসূলে খোদার ইস্তিকালের আড়াই মাস পর।<sup>৫</sup>

মাজার : রাজনৈতিক এবং তাঁর অসিয়তের কারণে অন্ধকার রাত্রে গোপনে আমিরুল মু'মিনীন তাঁর দাফনকার্য সম্পন্ন করেন। আজ অবধি তাঁর পবিত্র কবরের চিহ্ন উদঘাটিত হয় নি।<sup>৬</sup>

সন্তান : ইমাম হাসান মুজতাবা, ইমাম হুসাইন সাইয়েদুশ শুহাদা, জয়নাব আল কুবরা, উম্মে কুলসুম, মুহিসন (তাঁর গর্ভেই মারা যায়)।<sup>৭</sup>

আরবি জমাদিউসসানী মাসের বিশ তারিখে রোজ শুক্রবার, মহানবী (সা.)- এর নবুওয়াত লাভের পঞ্চম বৎসরে, মক্কার প্রস্তরময় পর্বতের পাদদেশে, কা'বার সন্নিকটে, ওহী নাযিলের গৃহে, যে গৃহের অঙ্গন মহানবী (সা.)- এর খোদাপ্রেমিক মুখের পবিত্র ছটায় আলোকিত হতো, যে গৃহকে ফেরেশতারা ভাল করে চিনতো এবং সেখানে প্রতিনিয়ত আসা যাওয়া করতো, যেখানে সকাল সন্ধ্যায় রাসূলে খোদার নামাজের গুঞ্জরন প্রতিধ্বনিত হতো এবং গভীর রাত্রিতে তাঁর

তীলাওয়াতের আধ্যাত্বিক ধ্বনিতে জমিনের সাথে আসমানের সংযোগ স্থাপিত হতো, ইয়াতিমদের আশার কেন্দ্র, নিঃস্ব মানুষের সাহায্যকারী, বন্দী ও নিপীড়িতদের আশ্রয়স্থল, সেই গৃহে পয়গম্বর (সা.) ও হযরত খাদিজার গৃহে একটি কন্যা জন্মগ্রহণ করে।

আল্লাহর রাসূলের দুহিতা, রিসালতের প্রথম ফল, নিষ্পাপত্বের প্রতিমূর্তি, সমগ্র মানবতা যে নারীর মধ্যে সমবেত হয়েছে, যিনি ভূপৃষ্ঠে আল্লাহর মনোনীত খলীফার স্ত্রী এবং তাঁর সমকক্ষ বলে গণ্য, পৃথিবীর বুকে নারীকুলের শ্রেষ্ঠ সেই ফাতেমা (তাঁর উপর শান্তি বর্ষিত হোক) ভূপৃষ্ঠে আগমন করেছেন।

হযরত ফাতেমার জন্মের ফলে রাসূলুল্লাহ (সা.)- এর গৃহ পূর্বের চেয়ে আরো অধিক দয়া ও স্নেহ-মমতার আধারে পরিণত হয়। যখন মহানবী (সা.) মক্কায় সীমাহীন কষ্টের মধ্যে জর্জরিত ছিলেন তখন হযরত ফাতেমার অবস্থান সকাল ও সন্ধ্যায় ক্লান্ত-শ্রান্ত পিতা-মাতার উপর শান্তির সুবাতাস বয়ে দিত আর রিসালতের কষ্টপূর্ণ দিনগুলোর ক্লেশকে আরামদায়ক করে তুলতো। এটা কতই না উদ্দীপনাময় বিষয় যে, একটি মেয়ে পিতার নিকট এতটা মর্যাদা লাভে সক্ষম হয় যে, তাঁর নিকট সৃষ্টি জগতের শ্রেষ্ঠ মানুষ মহানবী (সা.)- এর প্রশান্তি মেলে। আর তাঁর সম্পর্কে নবী (সা.) বলেন : “ফাতেমা আমার প্রাণের সমতুল্য, তাঁর কাছ থেকে বেহেশতের সুস্বাদু পাই।”<sup>৮</sup>

এ উক্তিটি হযরত ফাতেমার জন্য আশ্চর্যজনক নয়। কেননা তিনি ঐ সমস্ত ব্যক্তিবর্গের মধ্যে গণ্য যাদের ব্যাপারে বিশ্বপ্রতিপালক তাঁর আসমানী গ্রন্থ আল কোরআনে বলেন :

(إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيرًا)

অর্থাৎ “নিশ্চয়ই আল্লাহ চান যে আহলে বাইত, তোমাদের থেকে সকল ধরনের অপবিত্রতা দূর করতে এবং তোমাদেরকে পুতপবিত্র করতে।”<sup>৯</sup>

হযরত ফাতেমা (সা.) ইসলামের মহান নবী হযরত মুহাম্মদ মুস্তফা (সা.)- এর সার-সত্তা। হযরত ফাতেমা (সা.)- এর আলোকজ্জল জীবন সকল প্রকার ঐশী প্রশংসার যোগ্য। তিনি বিশ্ব নারীকুলের মধ্যে আল্লাহর নিকট মনোনীত হয়েছেন যিনি আপন পবিত্রতার মাধ্যমে নারী জাতিকে সম্মানের আসনে সমাসীন করেছেন। হযরত ফাতেমা (সা.)- এর অতি মর্যাদাকর অবস্থান এ সাক্ষ্য

প্রদান করে যে একজন নারীও আধ্যাত্মিকতার চরম শীর্ষে আরোহন করতে পারেন যেখানে ঐশী মহাপুরুষেরা পৌঁছেছেন।

## পিতার সাথে

হযরত ফাতিমা (আ.)- এর পিতার ব্যাপারে কোন কিছু বর্ণনা করার প্রয়োজন নেই। তিনি এমন পিতা ছিলেন যাকে বিশ্বস্রষ্টা সর্বোত্তম চরিত্রের অধিকারী বলে আখ্যায়িত করেছেন। আর পবিত্র কোরআনে তাঁর ব্যাপারে বলা হয়েছে :

(وَمَا يَنْطِقُ عَنِ الْهَوَىٰ ۗ إِن هُوَ إِلَّا وَحْيٌ يُوحَىٰ)

অর্থাৎ “তিনি প্রবৃত্তির বশবর্তী হয়ে কোন কথা বলেন না। বরং ওহী বৈ কিছু নয় যা (তার কথা) তার উপর অবতীর্ণ হয়।”<sup>১০</sup>

ফাতেমা তাঁর জ্যোতির্ময় জীবনের সবটুকুই ওহীর সংস্পর্শে এবং মানবতার মূর্ত প্রতীক এমনই একজন পিতার ছায়াতলে অতিবাহিত করেন। প্রায় দুই বৎসর বয়সেই তিনি পিতার সাথে কাফেরদের বয়কট ও অবরোধের শিকার হন এবং তিন বৎসর ‘শে’বে আবি তালিব’<sup>১১</sup> - এ ভীষণ ক্ষুধা যন্ত্রণা ও কষ্টের মধ্যে কাটান এবং পিতা- মাতা ও অন্যান্য মুসলমানদের সাথে ধৈর্যের চরম পরাকাষ্ঠা প্রদর্শন করেন। নবুওয়াতের দশম বৎসরে ‘শে’বে আবি তালিব’ থেকে মুক্তির কিছুদিন পরেই তিনি তাঁর সম্মানিত মাতাকে হারান, যিনি দশ বৎসর দুঃখ বেদনা বিশেষভাবে অর্থনৈতিক অবরোধের কষ্টের ভীষণ চাপের মুখে ধৈর্যধারণ করে পীড়িত হয়ে পড়েছিলেন।<sup>১২</sup>

হযরত ফাতেমা মাতৃ হারা হয়ে গেলেন। যদিও এ ব্যাপারটা তাঁর জন্যে সাংঘাতিক বেদনাদায়ক ও অত্যন্ত দুঃখজনক ছিল তবে এ কারণে তিনি আরো বেশী করে পিতার পাশে থাকার এবং তাঁর প্রশিক্ষণের অধীনে থাকার সুযোগ পেলেন। আট বৎসর বয়সে রাসূল (সা.)- এর হিজরতের কিছু পরে তিনি নবী বংশের অন্যান্য নারীদের সাথে হযরত আলীর সঙ্গে মক্কা থেকে মদীনায পৌঁছান।<sup>১৩</sup> আর এভাবে আবারো তিনি পিতার পাশে অবস্থান গ্রহণ করেন। মদীনায রাসূল (সা.)- এর জীবনের বিভিন্ন সময়সার মুহূর্তে হযরত ফাতেমা পিতার সাথে ছিলেন। ওহুদ যুদ্ধে মুসলমানরা যখন পশ্চাদপসরণ করে পাহাড়ে আশ্রয় নিতে বাধ্য হয় তখন হযরত ফাতেমা

বিচলতার সাথে মদীনা থেকে রাসূল (সা.)- এর যুদ্ধ শিবিরে দৌড়ে আসেন এবং আমিরুল মু'মিনীন হযরত আলীর সাথে তাঁর পিতার ক্ষতস্থান চিকিৎসায় আত্মনিয়োগ করেন।<sup>১৪</sup>

হযরত ফাতেমা (আ.) ইসলামের কোলে বড় হন। তিনি ছিলেন ইসলাম ও কোরআনের সাথী। তিনি ওহী ও নবুওয়াতের পবিত্র বাতাসে নিঃশ্বাস গ্রহণ করেছেন এবং এজন্য গর্ববোধ করতেন। তাঁর জীবন রাসূল (সা.)- এর জীবন থেকে পৃথক ছিল না। এমনকি বিবাহ পরবর্তী সাংসারিক জীবনেও তাঁর গৃহ রাসূল (সা.)- এর গৃহের সাথে সংযুক্ত ছিল। আল্লাহর নবী অন্যান্য সব গৃহ থেকে ফাতিমার গৃহে বেশী যাতায়াত করতেন। প্রতিদিন প্রভাতে মসজিদে গমনের পূর্বে তিনি হযরত ফাতেমার সাথে সাক্ষাৎ করতেন।<sup>১৫</sup> হযরত রাসূল (সা.)- এর গৃহভৃত্য বলেন :

“হযরত যখন কোন সফরের উদ্দেশ্যে রওয়ানা হতেন তখন সর্বশেষ যার কাছ থেকে বিদায় নিতেন তিনি হলেন হযরত ফাতেমা এবং যখন তিনি সফর শেষে ফিরে আসতেন সর্বাগ্রে তাঁর সাথে দেখা করতেন।”<sup>১৬</sup>

অবশেষে রাসূল (সা.)- এর জীবনের শেষ মুহূর্তগুলোতেও হযরত ফাতেমা তাঁর শিয়রের পাশে ক্রন্দনরত অবস্থায় কাটিয়েছেন। আর তখন রাসূল (সা.) তাকে প্রবোধ দিয়ে বলেছিলেন যে তিনি অন্য সবার আগে তাঁর পিতার সাথে মিলিত হবেন।<sup>১৭</sup>

## হযরত ফাতিমার মা

হযরত ফাতিমা শৈশবের পাঁচ বছর তাঁর সম্মানিতা ও আত্মোৎসর্গী মা হযরত খাদীজার কোলে লালিত পালিত হন। তিনি নারীদের মধ্যে সর্বপ্রথম মুসলমান হয়েছিলেন। তাঁর সম্বন্ধে নবী (সা.) বলেছেন :

“খাদীজা আমার উম্মতের সর্বোত্তম নারীদের অন্যতম।”<sup>১৮</sup>

হযরত খাদীজা রাসূল (সা.)- এর নিকট এতই সম্মানের পাত্রী ছিলেন যে তাঁর জীবদ্দশায় তিনি অন্য কোন বিয়ে করেন নি। হযরত খাদীজার ওফাতের পরও তিনি তাঁকে প্রচুর স্মরণ করতেন। এমনকি তিনি হযরত খাদীজার বন্ধু- বান্ধবদেরকেও সম্মানের চোখে দেখতেন। এ সম্মান এমন

পর্যায় গিয়ে পৌঁছে যে যখন কেউ তাকে কোন কিছু উপহার দিতেন তখন তাকে বলতেন “এই উপহার অমুক মহিলার ঘরে নিয়ে যাও, কেননা সে খাদীজার বান্ধবী ছিল।”<sup>১৯</sup>

হযরত আয়েশা বলেন : “রাসূল (সা.) এত বেশী খাদীজার কথা স্মরণ করতেন যে একদিন আমি প্রতিবাদ করে বললাম, হে আল্লাহর রাসূল, খাদীজা তো একজন বৃদ্ধা ব্যতীত অন্য কিছু ছিলেন না। আল্লাহ তার চেয়ে উত্তম স্ত্রী আপনাকে দান করেছেন। তখন রাসূলে আকরাম (সা.) রাগান্বিত হয়ে বললেন, আল্লাহর কসম, আল্লাহ তায়ালা তাঁর চেয়ে উত্তম কোন স্ত্রী আমাকে দান করেন নি। খাদীজা এমন সময় ইসলামের প্রতি ঈমান এনেছিল যখন সবাই কুফরের মধ্যে নিমজ্জিত ছিল, সে এমন সময় আমার কথা সত্য বলে স্বীকৃতি দিয়েছিল যখন অন্যেরা আমাকে মিথ্যাবাদী বলে আখ্যায়িত করেছিল। খাদীজা এমন সময় তাঁর সর্বস্ব আমার কাছে অর্পণ করে যখন অন্য সবাই আমাকে বঞ্চিত করেছিল। আল্লাহ তায়ালা আমার বংশ তাঁর মাধ্যমেই অব্যাহত রেখেছেন।”<sup>২০</sup>

এটা ইসলামের ইতিহাসের একটি মহা বাস্তব। কেননা সত্যিকার অর্থে হযরত খাদীজার ত্যাগ নবী (সা.)- এর রেসালতের অগ্রগতির পেছনে এক গুরুত্বপূর্ণ ভূমিকা পালন করেছে। কোন কোন মনীষীর মতে :

“ইসলাম এবং মহানবী (সা.)- এর মিশন হযরত আলীর জিহাদ আর হযরত খাদীজার দানের মাধ্যমে প্রসার লাভ করেছে। অর্থাৎ আল্লাহ তায়ালা এ দুই মহান ব্যক্তিকে তাঁর রাসূলের প্রধান সহযোগী হিসেবে মনোনীত করেছেন। হযরত আলীর জিহাদ এবং হযরত খাদীজার দান ইসলামের বিজয় ও প্রসারের ক্ষেত্রে দু’টি প্রধান কারণ ছিল। সর্বকালে বিশ্বের সকল মুসলমান ঈমানের ন্যায় মহানেয়ামতের জন্যে আল্লাহ ও তাঁর রাসূল (সা.)- এর পরে এ দুই ব্যক্তির নিকট ঋণী।

হ্যাঁ, হযরত ফাতিমা এমনই এক মাতার স্মৃতিচিহ্ন আর এমনই এক পিতার সন্তান। নবুওয়াতের দশম বৎসরে হযরত খাদীজার ওফাতের পর চিরকালের জন্যে প্রিয় ও ত্যাগী মাতার স্নেহভরা



কোল হযরত ফাতেমার হাতছাড়া হয়ে যায়।”<sup>২১</sup> আর তখন থেকেই শিশু ফাতিমা নবী পরিবারে তাঁর মায়ের গুণ্য স্থান পূরণ করেছেন।

## মদীনায় হিজরত

যে বৎসর হযরত খাদীজার ইন্তেকাল হয় সে বৎসরেই নবী (সা.) তাঁর নিবেদিত প্রাণ চাচা ও অন্য আরেকজন বড়পৃষ্ঠপোষক আবু তালিবকেও হারান।<sup>২২</sup> জনাব আবু তালিব রাসূল (সা.)- এর সবচেয়ে অন্তরঙ্গ সাথি ছিলেন। কোরাইশদের নেতা ও মক্কার অন্যতম প্রধান ব্যক্তি হিসেবে মক্কাবাসী ও কোরাইশদের উপর প্রভাব থাকায় তিনি নবী (সা.) ও মুসলমানদের জন্যে এক গুরুত্বপূর্ণ পৃষ্ঠপোষক বলে গণ্য হতেন। আর সে জন্যে তিনি যতদিন বেঁচে ছিলেন ততদিন কোরাইশ কাফেররা কখনই মহানবী (সা.)- এর দিকে হস্ত প্রসারিত করতে পারে নি।<sup>২৩</sup>

হযরত আবু তালিব তাঁর সমগ্র জীবনে কখনো রাসূল (সা.)- এর সেবা ও তাঁকে সমর্থন দানের ক্ষেত্রে ত্রুটি করেন নি এমনকি কোরাইশদের চক্রান্তের মোকাবেলায় এক শত্রু প্রাচীর হিসেবে নিজেকে উপস্থাপন করার লক্ষ্যে নিজের ঈমান ও ইসলাম গ্রহনকে গোপন করে রেখেছিলেন।<sup>২৪</sup>

তিনি মুশরিকদের নিকট বাহ্যিক ভাবে দেখাতেন আত্মীয়তার কারণে মুহাম্মদকে সহায়তা দান করেন। হযরত আবু তালিবের এ ধরণের কর্ম-কৌশলের কারণে কোরাইশরা তাকে নিজেদের লোক বলে মনে করতো এবং তাঁর ভয়ে ও সম্মানের কারণে তারা নবী (সা.)- কে হত্যা করার কোন পরিকল্পনা হাতে নিতে পারে নি। আর এভাবে আত্মত্যাগ ও ঈমান গোপন করার কারণে মুসলমানদের বিভিন্ন ফের্কার আনাড়ী আলেমরা আবু তালিবের ঈমানের ব্যাপারে সন্দেহ পোষণ করে থাকেন এবং যিনি আপাদমস্তক ঈমান ও ত্যাগের মহীমায় বলীয়ান ছিলেন তাকে শিরক ও কুফরের মত জঘন্য ও ন্যাক্কারজনক অপবাদ দিতে কুণ্ঠাবোধ করেন নি।<sup>২৫</sup>

হ্যাঁ, হযরত আবু তালিবের মৃত্যুর সাথে সাথে রাসূল (সা.)- এর জন্য দায়িত্ব পালন আরো বেশী কঠিন হয়ে যায় এবং কোরাইশদের অত্যাচার ও নির্যাতনের তীব্রতা আরো বৃদ্ধি পায়। আর তা এমন পর্যায়ে গিয়ে পৌঁছে যে তারা রাসূলে খোদার প্রাণনাশের পরিকল্পনা করে এবং সিদ্ধান্ত নেয় যে বিভিন্ন গোত্র থেকে লোকজন নিয়ে হযরত মুহাম্মদের (সা.) গৃহ ঘেরাও করে অতর্কিতে

আক্রমণ চালিয়ে হযরতকে হত্যা করা হবে। আর এভাবে হযরত মুহাম্মদ (সা.)- এর হত্যার দায়ভার সকল গোত্রের উপর বর্তাবে এবং নবীর আত্মীয়স্বজন ও বনি হাশেম গোত্রের লোকেরা - রক্তের মূল্য গ্রহণে বাধ্য (বনি হাশেম) রক্তের বদলা নিতে সমর্থ হবে না। পরিশেষে তারা হবে।<sup>২৬</sup> এ ধরনের ষড়যন্ত্রের মোকাবেলায় নবী (সা.) আল্লাহর পক্ষ থেকে হিজরতের আদেশপ্রাপ্ত হন।<sup>২৭</sup> এর আগে ইয়াসরেবের গণ্যমান্য ও সুপরিচিত ব্যক্তিবর্গ নবী (সা.)- এর সাথে সাক্ষাৎ করেছিলেন। তারা ইসলাম গ্রহণ করে চুক্তিবদ্ধ হয়েছিলেন যে যদি হযরত মুহাম্মাদ (সা.) ইয়াসরেবে (মদীনা) আসেন তাহলে তারা তাদের জান- মাল ও লোকবল দিয়ে নবী (সা.) ও ইসলামের সমর্থন করবেন। আর নবী (সা.) এই চুক্তিকে সামনে রেখেই মক্কার কোরাইশ কাফেররা যে রাতে তাঁর প্রাণনাশের চক্রান্ত করে সে রাতেই মক্কা ত্যাগ করেন এবং হযরত আলী নবী (সা.)- এর বিছানায় শুয়ে থাকেন। এভাবে কোরাইশ কাফেররা নবীর গৃহে আক্রমণ করে হযরত আলীর সম্মুখীন হয়।<sup>২৮</sup> হযরত মুহাম্মাদ (সা.) বারো দিন পর মদীনার নিকটবর্তী কোবা নামক স্থানে পৌঁছান। হযরত আলী যেন তাঁর সাথে যোগ দিতে পারেন সে জন্যে তিনি সেখানে যাত্রাবিরতি করেন।<sup>২৯</sup>

হযরত আলী মক্কায় কয়েকদিন অবস্থান করে নবী (সা.) কর্তৃক অর্পিত দায়িত্ব পালন শেষে হযরত ফাতেমা ও নবী পরিবারের কয়েকজন নারীকে সাথে নিয়ে মদীনার পথে যাত্রা শুরু করেন।<sup>৩০</sup> পশ্চিমদিকে মুশরিকদের মাধ্যমে বাধাগ্রস্ত হলে হযরত আলী তলোয়ার হাতে তুলে নেন। তিনি আক্রমণকারীদের মধ্যে একজনকে হত্যা করেন আর অন্যরা পালিয়ে প্রাণ রক্ষা করে। হযরত আলী কয়েকদিন পরে নবী করীমের সাথে যোগ দেন। তারপর তিনি রাসূল (সা.)- এর সাথে মদীনা নগরীতে প্রবেশ করেন।<sup>৩১</sup>

## হযরত ফাতেমার স্বর্গীয় ব্যক্তিত্ব

নারীকুলের শ্রেষ্ঠ রমণী হযরত ফাতেমার স্বর্গীয় ব্যক্তিত্ব আমাদের উপলব্ধি ক্ষমতার উর্দে এবং আমাদের সকলের প্রশংসার চেয়ে বেশী সম্মানিত। তিনি এমনই একজন মহীয়সী রমণী যাকে বিশেষ নিষ্পাপ ব্যক্তিদের মধ্যে গণ্য করা হয়ে থাকে।<sup>৩২</sup> যার ক্রোধ ও অসন্তোষকে আল্লাহর ক্রোধ

ও অসন্তোষ বলে বিবেচনা করা হয়।<sup>৩৩</sup> তিনি এবং তাঁর পরিবার ও সন্তানদের প্রতি ভালবাসা দ্বীনি ফরয বলে পরিগণিত।<sup>৩৪</sup> তাঁর আধ্যাত্মিক ব্যক্তিত্বের বিস্ময়কর ও বিভিন্নমুখী পরিচয় আমাদের ন্যায় সীমিত জ্ঞানের মানুষের পক্ষে তুলে ধরা কিভাবে সম্ভব?

সুতরাং হযরত ফাতেমা (আ.) সম্পর্কে স্বয়ং মা'সুম ইমামদের থেকে শোনা দরকার। এখানে ইসলামের সম্মানিত নারীর মহিমার কিছু কথা মা'সুম ইমামদের পবিত্র মুখ থেকে শ্রবণ করবো :

□ হযরত রাসূলে আকরাম (সা.) বলেছেন যে, আল্লাহর নির্দেশে একজন ফেরেশতা অবতীর্ণ হয়ে আমাকে বললেন, “হাসান ও হুসাইন বেহেশতের যুবকদের সর্দার আর ফাতিমা সকল নারীদের নেত্রী।”<sup>৩৫</sup>

□ রাসূল (সা.) বলেছেন : “চারজন রমণী পৃথিবীর বুকে সর্বোত্তম। ইমরানের কন্যা মারিয়াম, খুওয়াইলিদের কন্যা খাদীজা, মুহাম্মাদের কন্যা ফাতেমা এবং মুযাহিমের কন্যা আছিয়া (ফেরাউনের স্ত্রী)।”<sup>৩৬</sup>

□ নবী করীম (সা.) বলেছেন : “জান্নাত চারজন নারীর জন্যে প্রতীক্ষমাণ। ইমরানের কন্যা মারিয়াম, ফেরাউনের স্ত্রী আছিয়া, খুওয়াইলিদের কন্যা খাদীজা এবং মুহাম্মাদের কন্যা ফাতেমা।”<sup>৩৭</sup>

□ তিনি আরো বলেছেন : “ফাতেমা কোন ব্যাপারে রাগান্বিত হলে আল্লাহও তাতে রাগান্বিত হন এবং ফাতেমার আনন্দে আল্লাহও আনন্দিত হন।”<sup>৩৮</sup>

□ ইমাম মুসা ইবনে জা'ফর (আ.) বলেন : রাসূল (সা.) বলেছেন, “আল্লাহ পৃথিবীর বুকে চারজন নারীকে মনোনীত করেছেন। তারা হলেন মারিয়াম, আছিয়া, খাদীজা ও ফাতেমা (তাদের সকলের উপর সালাম)।”<sup>৩৯</sup>

□ ইমাম আলী ইবনে মুসা আর রিযা (আ.) রাসূলে খোদার নিকট থেকে বর্ণনা করেছেন যে তিনি বলেছেন : “হাসান ও হুসাইন, আমি এবং তাদের পিতার পরবর্তীতে জমিনের বুকে সর্বোত্তম ব্যক্তিদ্বয় আর তাদের মা ফাতেমা নারীদের মধ্যে পৃথিবীর বুকে সর্বোত্তম রমণী।”<sup>৪০</sup>

□ ‘সহীহ আল বুখারী’ ও ‘সহীহ মুসলিম’ গ্রন্থদ্বয় যা আহলে সুন্নাত ওয়াল জামায়াতের নির্ভরযোগ্য পুস্তক সমূহের অন্যতম এবং উক্ত গ্রন্থদ্বয়ের লেখকদ্বয়ও আহলে সুন্নাতের সুবিখ্যাত ও মহান আলেমদের মধ্যে গণ্য। উক্ত গ্রন্থদ্বয়ে বর্ণিত আছে যে নবী করীম (সা.) বলেছেন : “ফাতিমা বেহেশতবাসী নারীদের নেত্রী।”<sup>৪১</sup>

□ ইমাম জা’ফর আস সাদেকের নিকট জনৈক ব্যক্তি আরজ করলো : রাসূল (সা.) যে বলেছেন, ফাতেমা বেহেশতবাসী নারীদের নেত্রী। এর অর্থ কি এটা যে তিনি তাঁর সমসাময়িক নারীদের নেত্রী? ইমাম প্রত্যুত্তরে বলেন : “উপরোক্ত কথাটি হযরত মারিয়ামের ব্যাপারে বলা হয়েছে আর ফাতিমা পৃথিবীর শুরু থেকে শেষ পর্যন্ত সকল নারীদের নেত্রী।”<sup>৪২</sup>

□ হযরত রাসূলে আকরামকে (সা.) জনৈক ব্যক্তি জিজ্ঞেস করলো, “ইয়া রাসূলুল্লাহ, ফাতেমা কি শুধুমাত্র তাঁর যুগের নারীদের নেত্রী? রাসূল (সা.) প্রতি উত্তরে বলেন : “এ কথাটি ইমরানের কন্যা মারিয়ামের ব্যাপারে বলা হয়েছে আর মুহাম্মদের কন্যা ফাতেমা পৃথিবীর শুরু থেকে শেষ পর্যন্ত সকল নারীদের নেত্রী।”<sup>৪৩</sup>

□ হযরত মুফাজ্জাল (রহ.) বলেন, আমি ইমাম জা’ফর আস সাদেক (আ.)- কে জিজ্ঞেস করলাম, হযরত ফাতেমার ব্যাপারে রাসূলে খোদার এই যে উক্তি “ফাতেমা বেহেশতবাসী নারীদের নেত্রী”- এর অর্থ কি আমাকে বলবেন? এর অর্থ কি এই যে, ফাতেমা শুধুমাত্র তাঁর যুগের নারীদের নেত্রী ছিলেন? ইমাম জবাবে বলেন : “উক্ত কথাটি হযরত মারিয়ামের ব্যাপারে বলা হয়েছে যে তিনি তাঁর সমসাময়িক নারীদের নেত্রী ছিলেন। ফাতেমা পৃথিবীর শুরু থেকে শেষ পর্যন্ত সকল নারীদের নেত্রী।<sup>৪৪</sup> ইমাম আলী ইবনে মুসা আর রিযা (আ.) তাঁর পিতামহদের কাছ থেকে, আর তাঁরা আমিরুল মু’মিনীন আলী (আ.)- এর নিকট থেকে বর্ণনা করেছেন যে আল্লাহর রাসূল (সা.) বলেছেন : “কিয়ামতের দিবসে আল্লাহর পক্ষ থেকে তাঁর আরশের নিচ থেকে ডাক আসবে, হে মানব সকল! তোমরা তোমাদের চক্ষুযুগল বন্ধ কর, ফাতেমা (মুহাম্মদের কন্যা) অতিক্রম করবে।”<sup>৪৫</sup>

□ হযরত আবু আইয়ূব আনসারী (রা.) হযরত মুহাম্মদ (সা.)- এর কাছ থেকে বর্ণনা করছেন : “কিয়ামতের দিনে আল্লাহর আরশ থেকে ধ্বনি আসবে, হে হাশরের ময়দানের লোকেরা! তোমরা তোমাদের মাথা নিচু কর। চক্ষু বন্ধ কর। ফাতেমা এখান থেকে অতিক্রম করছে। আর সত্তর হাজার বেহেশতী হ্র তাঁর সঙ্গে আছে।”<sup>৪৬</sup>

□ রাসূলে আকরাম (সা.) হযরত ফাতেমাকে বলেছেন : “হে ফাতেমা! আল্লাহ তায়ালা জমিনের বুকে দৃষ্টি নিষ্ক্ষেপ করলেন এবং সেখান থেকে তোমার স্বামীকে মনোনীত করেন। তিনি আমাকে ওহীর মাধ্যমে জানালেন যে আমি যেন তোমাকে আলীর সাথে বিয়ে দেই। তুমি কি জান যে আল্লাহ তোমার মর্যাদা ও সম্মানের দিকে তাকিয়ে তোমাকে এমন ব্যক্তির সাথে বিয়ে দিলেন যিনি সবার আগে ইসলাম ধর্মের ঘোষণা দিয়েছেন এবং যার ধৈর্য ও সহিষ্ণুতা সবচেয়ে বেশী আর জ্ঞান সকলের চেয়ে অধিক।”<sup>৪৭</sup>

□ ইমাম জা’ফর সাদেক (আ.) বলেন : “যদি আল্লাহ আমিরুল মু’মিনীন আলী (আ.)- কে ফাতেমার জন্যে সৃষ্টি না করতেন তাহলে তাঁর জন্যে ভূপৃষ্ঠে কোন স্বামী- ই পাওয়া যেত না।”<sup>৪৮</sup>

□ হযরত সুফিয়ান বিন উয়াইনাহ্ বলেন : ইমাম সাদেক (আ.)

(مَرْجَ الْبَحْرَيْنِ يَلْتَقِيَانِ)

অর্থাৎ দুই সমুদ্রকে প্রবাহিত করেন যেন তারা পরস্পর মিলিত হয়।<sup>৪৯</sup>

আয়াতটির তাফসীরে বলেন : “উক্ত আয়াতের উদ্দেশ্য হযরত আলী এবং হযরত ফাতিমা”।

আর

(يَخْرُجُ مِنْهُمَا اللَّوْؤُ وَ الْمَرْحَانُ)

অর্থাৎ তাদের দু’ জন থেকে মুক্তা ও প্রবাল নির্গত হবে।<sup>৫০</sup>

আয়াতটির তাফসীরে তিনি বলেন : ‘উক্ত আয়াতটির উদ্দেশ্য ইমাম হাসান এবং ইমাম হুসাইন।’<sup>৫১</sup>

□ ইমাম সাদেক (আ.)- এর কাছে জনৈক ব্যক্তি প্রশ্ন করলো, “কেন হযরত ফাতেমাকে যাহরা বা আলোকোজ্জ্বল বলা হয়েছে?” উত্তরে তিনি বলেন : “তার কারণ হচ্ছে, হযরত ফাতেমা

যখন ইবাদতের উদ্দেশ্যে মেহরাবে দণ্ডায়মান হতেন তখন তাঁর নূর আসমানের অধিবাসীদের জন্যে প্রজ্জ্বলিত হয়ে উঠতো যেমনিভাবে জমিনের অধিবাসীদের জন্যে আকাশের তারকা আলোকোজ্জ্বল দৃষ্ট হয়।”<sup>৫২</sup>

□ বর্ণিত আছে : “যখন হযরত ফাতেমা (আ.) নামাজে বা ইবাদত- বন্দেগিতে মগ্ন হতেন এবং তাঁর শিশু সন্তানরা ক্রন্দন করতো, তখন তিনি দেখতে পেতেন যে কোন একজন ফেরেশতা সে- ই শিশুটির দোলনা দোলাচ্ছে।”<sup>৫৩</sup>

□ ইমাম বাকের (আ.) থেকে বর্ণিত আছে যে তিনি বলেছেন : রাসূল (সা.) কোন কাজের জন্যে হযরত সালমানকে হযরত ফাতেমার গৃহে প্রেরণ করেন। হযরত সালমান বর্ণনা করছেন : “হযরত ফাতেমার গৃহের দ্বারে দাঁড়িয়ে সালাম জানালাম। সেখান থেকেই গৃহাভ্যন্তরে ফাতেমার কোরআন তিলাওয়াতের ধ্বনি শোনা যাচ্ছিল আর হস্তচালিত যাঁতাকলটি যা আটা তৈরীর জন্যে ঘরে ব্যবহার করা হতো তার থেকে কিছু দূরে নিজে নিজে ঘুরছিল।”<sup>৫৪</sup>

### হযরত ফাতেমার প্রতি নবী (সা.)- এর মহব্বত ও ভালবাসা

যে সমস্ত বিস্ময়কর বস্তু হযরত ফাতেমার আলোকজ্জ্বল জীবনকে আরো অধিক মর্যদার করে তোলে তা হচ্ছে তাঁর প্রতি মহানবীর অত্যধিক স্নেহ ও ভালবাসা। এই ভালবাসা ও স্নেহ এতই অধিক ও প্রচণ্ড আকারে ছিল যে এটাকে রাসূলে আকরামের জীবনের অন্যতম বিষয় বলে গণ্য। যদি আমরা এ বিষয়ে যথেষ্ট মনোযোগের সাথে দৃষ্টি নিবদ্ধ করি তবে দেখবো যে, যেহেতু ইসলামের সুমহান নবী (সা.) মহান আল্লাহর নিকট তাঁর বান্দাদের মাঝে সর্বোচ্চ মর্যাদা ও নৈকট্য লাভের অধিকারী এবং সকল বিষয়ে ন্যায় ও সত্যের মাপকাঠি ছিলেন সেহেতু নবীর সুল্লাত অর্থাৎ তাঁর কথা ও কাজ এমনকি তাঁর নীরবতাও দীন ও শরীয়তের সনদ হিসেবে পরিগণিত যা সমানভাবে আল্লাহর কিতাবের পাশাপাশি কিয়ামতের দিন পর্যন্ত উম্মতের প্রতিটি ব্যক্তির কাজে- কর্মে আদর্শ হিসেবে গণ্য। কোরআনুল কারিমের স্পষ্ট ঘোষণা হচ্ছে :

(وَمَا يَنْطِقُ عَنِ الْهَوَىٰ إِنْ هُوَ إِلَّا وَحْيٌ يُوحَىٰ)

অর্থাৎ কোন কিছুই তিনি আপন প্রবৃত্তির তাড়নায় বলেন না, তার প্রতিটি কথাই ওহী বলে গণ্য যা তার প্রতি অবতীর্ণ হয়।”<sup>৫৫</sup>

এ সমস্ত বিষয় বিশ্লেষণ করলে হযরত ফাতেমার আধ্যাত্মিক মাকাম ও সুমহান মর্যাদার বিষয়টি উপলব্ধি করতে পারি এবং এই ব্যাপারে নিঃসন্দেহে সিদ্ধান্তে উপনীত হতে পারি, যে নিষ্পাপ ইমামগণ সত্যই বলেছেন : “ফাতেমা পবিত্র এবং স্বর্গীয় ব্যক্তিদের মধ্যে গণ্য।”

হযরত ফাতেমা ছাড়া মহানবী (সা.)-এর আরো কন্যা সন্তান ছিল। যদিও তিনি তাঁর পরিবার, আত্মীয়-স্বজন, সন্তানগণ এমনকি প্রতিবেশী ও অন্যদের প্রতিও দয়াপরবশ ছিলেন তবুও হযরত ফাতেমার প্রতি তাঁর বিশেষ ভালবাসা স্বতন্ত্রভাবে চিহ্নিত ছিল। মজার ব্যাপার হচ্ছে যে, তিনি বিভিন্ন সময়ে সুযোগমত এ ভালবাসার কথাটা সরাসরি ঘোষণা করেছেন এবং সাহাবাদের সামনে এ ব্যাপারে গুরুত্বারোপ করেছেন।

আর উপরোক্ত বিষয়টি এ ব্যাপারে দলীল যে, হযরত ফাতেমা ও তাঁর পরিবারের সদস্যদের জীবন ইসলামের ভাগ্যের সাথে সংযুক্ত। নবী (সা.)-এর সাথে হযরত ফাতেমার সম্পর্ক শুধুমাত্র একজন পিতার সাথে কন্যার সম্পর্কের ন্যায় ছিল না বরং তা একটি সমাজের সবচেয়ে গুরুত্বপূর্ণ বিষয় অর্থাৎ মুসলিম উম্মাহর ভবিষ্যত এবং মুসলমানদের ইমামত ও নেতৃত্ব সম্বন্ধে খোদারী নির্দেশাবলীর সাথে পরিপূর্ণ সম্পর্কিত।

এখন আমরা হযরত ফাতেমার প্রতি মহানবী হযরত মুহাম্মদ (সা.)-এর অসীম মহব্বত ও ভালবাসার কিছু নমুনার সাথে পরিচয় হবো এবং সেগুলো থেকে শিক্ষা গ্রহণ করবো :

□ হযরত রাসূলে আকরাম (সা.)-এর রীতি এরূপ ছিল যে, যখনই কোন সফরের জন্যে প্রস্তুত হতেন তখন সর্বশেষ যার কাছ থেকে বিদায় নিতেন তিনি হলেন হযরত ফাতেমা (আ.)। আবার যখন সফর থেকে ফিরে আসতেন তখন সর্বপ্রথম যার সাথে সাক্ষাত করার জন্যে গমন করতেন তিনি হলেন হযরত ফাতেমা (আ.)।<sup>৫৬</sup>

□ ইমাম বাকের ও ইমাম সাদেক (আ.) বর্ণনা করেছেন : “রাসূলে খোদা (সা.) সর্বদা নিদ্রার পূর্বে ফাতেমার গালে চুম্বন দিতেন এবং তাঁর মুখমণ্ডল ফাতেমার বক্ষের উপর স্থাপন করে দোয়া করতেন।”<sup>৫৭</sup>

□ ইমাম সাদেক (আ.)- এর নিকট থেকে বর্ণিত যে, হযরত ফাতেমা (আ.) বলেছেন : “যখন

(لَا تَجْعَلُوا دُعَاءَ الرَّسُولِ بَيْنَكُمْ كَدُعَاءِ بَعْضِكُمْ بَعْضًا)

অর্থাৎ রাসূলকে (আহ্বান করার সময়) তোমরা তোমাদের মধ্যে পরস্পরকে যেভাবে আহ্বান কর সেভাবে আহ্বান করো না (তাকে ‘ইয়া রাসূলুল্লাহ্’ বলে আহ্বান করবে)।<sup>৫৮</sup>

এ আয়াতটি নাযিল হয় তখন আমি ভীত সন্ত্রস্ত হলাম যে কখনো যেন আমি ‘ইয়া রাসূলুল্লাহ্’ এর স্থানে ‘হে পিতা’ বলে আহ্বান না করে বসি। অতএব, তখন থেকে আমি আমার পিতাকে ‘ইয়া রাসূলুল্লাহ্’ বলে সম্বোধন করা শুরু করলাম। প্রথম দুই অথবা তিনবার এরূপ আহ্বান শ্রবণ করার পর নবী (সা.) আমাকে কিছু না বললেও এরপর আমার দিকে ফিরে বললেন : “হে ফাতেমা! উক্ত আয়াতটি তোমার উদ্দেশ্যে অবতীর্ণ হয় নি। আর তোমার পরিবার ও বংশের জন্যেও অবতীর্ণ হয় নি। তুমি আমা থেকে আর আমিও তোমা থেকে। এ আয়াতটি কোরাইশ গোত্রের মন্দ ও অনধিকার চর্চাকারী লোকদের জন্যে অবতীর্ণ হয়েছে যারা বিদ্রোহী ও অহংকারী। তুমি পূর্বের ন্যায় আমাকে ‘হে পিতা’ বলে আহ্বান করো। তোমার এরূপ আহ্বান আমার হৃদয়কে পূর্বের চেয়ে অধিক জীবন্ত এবং মহান আল্লাহকে অধিক সন্তুষ্ট করে।”<sup>৫৯</sup>

□ রাসূল (সা.) বলেছেন : “ফাতেমা আমার দেহের অংশ। যে তাকে আনন্দ দেবে সে আমাকে আনন্দিত করবে আর যে তাকে দুঃখ দেবে সে আমাকে দুঃখিত করবে। ফাতেমা আমার কাছে সবার চেয়ে বেশী প্রিয় ও সম্মানিত।”<sup>৬০</sup>

□ তিনি আরো বলেছেন : “ফাতেমা আমার দেহের অংশ, আমার অন্তরাত্মা। যে তাকে অসন্তুষ্ট করে সে আমাকেই অসন্তুষ্ট করলো। আর যে আমাকে অসন্তুষ্ট করলো সে আল্লাহকেই অসন্তুষ্ট করলো।”<sup>৬১</sup>



□ হযরত আমির শা'বি, হযরত হাসান বাসরী, হযরত সুফিয়ান ছাওরী, মুজাহিদ, ইবনে জাবির, হযরত জাবির ইবনে আবদুল্লাহ আনসারী এবং ইমাম বাকির (আ.) ও ইমাম সাদেক (আ.) সকলে রাসূলে আকরাম (সা.) থেকে এভাবে বর্ণনা করেছেন যে তিনি বলেছেন : “নিশ্চয়ই ফাতেমা আমার দেহের অংশ। যে তাকে রাগান্বিত করে সে আমাকে রাগান্বিত করে।”

ইমাম বুখারীও এরূপ একটি হাদীস হযরত মাসুর ইবনে মুখরিমাহ থেকে বর্ণনা করেছেন। আর হযরত জাবির ইবনে আবদুল্লাহ আনসারী থেকে এরূপ বর্ণিত আছে যে রাসূল (সা.) বলেছেন : “যে ফাতেমাকে কষ্ট দেয় সে যেন আমাকে কষ্ট দেয় আর যে আমাকে কষ্ট দিল সে আল্লাহকে অসন্তুষ্ট করলো।

‘সহীহ মুসলিম’ ও হাফেজ আবু নাজিম রচিত হিলইয়াতুল আউলিয়া’ গ্রন্থদ্বয় ছাড়াও আহলে সুন্নাত ওয়াল জামায়াতের মনীষীদের রচিত অনেক গ্রন্থে অনুরূপ বর্ণনার হাদীস বর্ণিত আছে।<sup>৬২</sup>

□ একদা রাসূল (সা.) হযরত ফাতেমাকে সঙ্গে নিয়ে বাইরে আসলেন এবং (উপস্থিত জনসাধারণকে উদ্দেশ্য করে) বললেন : “যে ফাতেমাকে চেনে সে তো চিনেছেই। আর যে তাকে চেনে না তার জেনে রাখা উচিত যে ফাতেমা মুহাম্মদের কন্যা। সে আমার শরীরের অংশ, আমার হৃদয়, আমার অন্তরাত্ম। সুতরাং যে তাকে কষ্ট দেবে সে আমাকেই কষ্ট দিল। আর যে আমাকে কষ্ট দিল সে আল্লাহকে কষ্ট দিল।”<sup>৬৩</sup>

□ রাসূলে আকরাম (সা.) বলেছেন : “আমার কন্যা ফাতেমা পৃথিবীর প্রথম দিন থেকে শেষ দিন পর্যন্ত সকল নারীদের নেত্রী। সে আমার দেহের অংশ এবং আমার নয়নের মণি। ফাতেমা আমার হৃদয়ের ফসল এবং দেহের মধ্যে আমার অন্তর সমতুল্য। ফাতেমা মানুষরূপী একটি হুর। যখন সে ইবাদতে দণ্ডায়মান হয় তখন পৃথিবীর বুকে নক্ষত্রসমূহের মত তাঁর জ্যোতি আসমানের ফেরেশতাদের জন্যে প্রজ্বলিত হয়ে ওঠে। আর তখন মহান স্রষ্টা তাঁর ফেরেশতাদের বলেন : “হে আমার ফেরেশতাকুল! আমার দাসী ফাতেমা, আমার অন্যান্য দাসীদের নেত্রী। তাঁর প্রতি দৃষ্টি নিষ্ফেপ কর, দেখ সে আমার ইবাদতে দণ্ডায়মান এবং আমার ভয়ে তাঁর দেহ কম্পিত। সে মন

দিয়ে আমার ইবাদতে মশগুল। তোমরা সাক্ষী থাক, আমি তাঁর অনুসারীদেরকে জাহান্নামের অগ্নি থেকে রক্ষা করবো।”<sup>৬৪</sup>

## ঐশী বিবাহ

হিজরী দ্বিতীয় বৎসরে রাসূলুল্লাহ (সা.) হযরত ফাতেমাকে আমিরুল মু’মিনীন হযরত আলীর সাথে বিবাহ বন্ধনে আবদ্ধ করেন।<sup>৬৫</sup>

আর সত্যিকার অর্থে এই বন্ধন তাদের জন্যেই উপযুক্ত ছিল। কেননা নিষ্পাপ ইমামদের বক্তব্যে সুস্পষ্টভাবে বর্ণিত হয়েছে যে, আলী ব্যতীত ফাতেমার সমকক্ষ ও উপযুক্ত স্বামী অন্য কেউ হতে পারতো না।<sup>৬৬</sup>

এ বিষয়টি সম্মানিত এ ব্যক্তিদ্বয়ের উচ্চ মর্যাদারই সাক্ষ্য বহন করছে। আর এ বিয়ের অন্যতম একটি বৈশিষ্ট্য হচ্ছে এই যে, মহানবী (সা.) আরব ও কোরাইশের অনেক শীর্ষস্থানীয় ও ধনবান ব্যক্তিবর্গের পক্ষ থেকে আসা বিয়ের প্রস্তাবকে নাকচ করে দিয়েছিলেন এবং তিনি বলেছিলেন : “ফাতেমার বিয়ে আল্লাহর নির্দেশক্রমে সংঘটিত হবে।”<sup>৬৭</sup>

অবশেষে যখন হযরত আলী (আ.) বিয়ের প্রস্তাব নিয়ে আসলেন তখন নবী করীম (সা.) তাঁর প্রস্তাব গ্রহণ করেন এবং বললেন : হে আলী, তোমার আগমনের পূর্বে ঐশী দূতের মাধ্যমে আমি সংবাদ প্রাপ্ত হই যে আল্লাহ তায়ালা নির্দেশ দিয়েছেন “ফাতেমাকে আলীর সাথে বিয়ে দাও।”<sup>৬৮</sup>

অতঃপর তিনি হযরত আমিরুল মু’মিনীন আলী (আ.)-কে জিজ্ঞেস করলেন : বিয়ের খরচের জন্যে তোমার কাছে কি আছে? তখন হযরত আলী (আ.) জানালেন : একটি বর্ম, একটি তলোয়ার ও একটি উট (যা দিয়ে তিনি পানি আনতেন) ছাড়া আর কিছু নেই। নবী (সা.) বর্মটি বিক্রির জন্যে হযরত আলী (আ.) কে নির্দেশ দিলেন। হযরত আলী তা বিক্রি করে প্রায় পাঁচশত দেহরহাম পেয়েছিলেন আর তা দিয়ে কিছু আসবাবপত্র এবং হযরত ফাতেমার জন্যে উপহার হিসেবে সাদামাটা কিছু জিনিস ক্রয় করলেন। আর বিক্রয়লব্ধ কিছু অর্থ দিয়ে মুসলিম মেহমানদের জন্যে আপ্যায়নের ব্যবস্থা করলেন। এভাবে আনন্দ ও উৎসবের মধ্য দিয়ে নবী (সা.)-এর দোয়ার মাধ্যমে হযরত ফাতেমার সাথে হযরত আলীর বিবাহ সম্পন্ন হয়।<sup>৬৯</sup>

এ জ্যোতির্ময় ও ঐশী বিবাহের প্রতিটি অংশই রাসূলে খোদ ও তাঁর আহলে বাইতের পদাঙ্ক অনুসরণকারীদের জন্যে ইমামত ও নবী বংশের উপর বিশেষ ঐশী সমর্থনের সপক্ষে দলিল। এর মাধ্যমে বিয়ের ক্ষেত্রে অনাড়ম্বর অনুষ্ঠানের মধ্যেই যে ইসলামের আলোকিত শিক্ষার প্রকাশ ঘটে তা প্রমাণিত হয়।

এখন আমরা এ ঐতিহাসিক ঘটনার কিছু আকর্ষণীয় অংশের প্রতি দৃষ্টি নিক্ষেপ করবো :

□ যখন হযরত আলী (আ.) বিয়ের প্রস্তাব নিয়ে আগমন করেন তখন রাসূল (সা.) বলেছিলেন : “তোমার আগমনের পূর্বে অনেক পুরুষ ফাতেমার জন্যে বিয়ের প্রস্তাব নিয়ে এসেছিল। প্রতিটি প্রস্তাবের বিষয়ে ফাতেমার সাথে আলোচনা করেছি। তখন ফাতেমার চেহারা স্পষ্ট অনীহা ও বিরক্তিতাব লক্ষ্য করেছি। এখন তুমি আমার ফিরে আসা পর্যন্ত এখানেই অপেক্ষা কর। তখন রাসূল (সা.) হযরত ফাতেমার নিকট গমন করেন। তিনি হযরত আলীর প্রস্তাবের কথা হযরত ফাতেমাকে বলেন। প্রস্তাব শুনে হযরত ফাতেমা নিশ্চুপ রইলেন কিন্তু মুখ ঘুরিয়ে নিলেন না। অতঃপর রাসূল (সা.) উঠে দাঁড়ালেন এবং বললেন : আল্লাহ্ আকবার, তাঁর নীরবতা সম্মতির লক্ষণ।”<sup>৭০</sup>

□ হযরত আলী (আ.) ও হযরত ফাতেমা (আ.)- এর বিয়ের মোহরানা ছিল শুধুমাত্র একটি বর্ম, যা বিক্রি করা হয়েছিল। আর তার কিছু অর্থ দিয়ে উপহার হিসেবে নিম্নলিখিত কিছু জিনিস হযরত ফাতেমার জন্যে ক্রয় করেছিলেন :

একটি পোশাক।

একটি বড় স্কার্ট।

একটি খায়বরী কালো তোয়ালে।

একটি বিছানা।

দু’টি তোষক, যার একটি দুম্বার পশম আর অপরটি খেজুর গাছের আঁশ দ্বারা ভর্তি ছিল।

চারটি বালিশ।

একটি পশমের তৈরী পর্দা।

একটি পাটি এবং চাটাই।

একটি হস্তচালিত যাঁতাকল।

একটি তামার গামলা।

একটি চর্মের পাত্র।

পানি বহনের জন্যে একটি মশক।

দুধের জন্যে একটি পেয়ালা।

একটি বদনা।

সবুজ রংয়ের একটি পাত্র।

কয়েকটি মাটির জগ।<sup>৭১</sup>

- হযরত আলী (আ.)ও বিয়ের জন্যে নিম্ন বর্ণিত কিছু জিনিসের ব্যবস্থা করেছিলেন :
- গৃহের মেঝেকে সামান্য কিছু বালি দিয়ে নরম করেন।
- ঘরের দু'দেয়ালের মাঝখানে কাপড় ঝুলানোর জন্যে একটি লাঠি স্থাপন করেছিলেন।
- একটি দুয়ার চামড়া এবং হেলান দিয়ে বসার জন্যে একটি বালিশের যা খেজুর গাছের আঁশ দিয়ে ভরা ছিল- ব্যবস্থা করেছিলেন।<sup>৭২</sup>

## হযরত ফাতেমার চরিত্র ও কর্ম- পদ্ধতি

### যুহদ বা দুনিয়ার প্রতি নিরাসক্ততা

ইমাম জা'ফর আস সাদেক (আ.) এবং হযরত জাবের আনসারী থেকে বর্ণিত হয়েছে যে, একদিন হযরত মুহাম্মদ (সা.) হযরত ফাতেমাকে দেখলেন যে, তিনি একটি মোটা ও শক্ত কাপড় পরিধান করে নিজ হস্তে যাঁতাকল চালিয়ে আটা তৈরী করছেন। আর সে অবস্থায় নিজের কোলের সন্তানকে দুধ খাওয়াচ্ছেন। এহেন অবস্থা পরিদর্শনে হযরতের চোখে পানি ছল ছল করে উঠলো। তখন তিনি বলেন : “আমার হে প্রিয় কন্যা! এ দুনিয়ার তিজ্ঞতা আখেরাতের মিষ্টি স্বাদেরই পূর্ব প্রস্তুতি মনে করে সহ্য করে যাও।” প্রত্যুত্তরে হযরত ফাতেমা বলেন :

হে আল্লাহর রাসূল (সা.)! আল্লাহ প্রদত্ত এতসব নেয়ামত ও অনুগ্রহের জন্যে তাকে অশেষ ধন্যবাদ জানাই এবং এ জন্যে তাঁর অশেষ প্রশংসাও করছি। তখন আল্লাহ নিম্নোক্ত আয়াতটি অবতীর্ণ করেন :

(وَأَسْوَفَ يُعْطِيكَ رِزْقًا فَتَرْضَى)

অর্থাৎ তোমার প্রভু অতি শীঘ্রই তোমাকে এতসব কিছু দেবেন যার ফলে তুমি সন্তুষ্ট হবে।”<sup>৭৩</sup>

### গৃহাভ্যন্তরে কাজ

□ ইমাম জা'ফর সাদিক (আ.) বলেন : “ইমাম আলী (আ.) পানি ও কাঠ জোগাড় করে আনতেন আর হযরত ফাতেমা (আ.) আটা তৈরী করে খামির বানাতেন আর তা দিয়ে রুটি তৈরী করতেন। তিনি কাপড়ে তালি লাগানোর কাজও করতেন। এ মহিয়সী রমণী সকলের চেয়ে বেশী রূপসী ছিলেন এবং তাঁর পবিত্র গাল দু'টি সৌন্দর্যে পুষ্পের ন্যায় ফুটে ছিল। আল্লাহর দরুদ তিনি সহ তাঁর পিতা, স্বামী ও সন্তানদের উপর বর্ষিত হোক।”<sup>৭৪</sup>

□ হযরত আলী (আ.) বলেছেন : “ফাতেমা মশক দিয়ে এতই পানি উত্তোলন করেছেন যার ফলে তাঁর বক্ষে ক্ষতের ছাপ পড়ে যায়, তিনি হস্তচালিত যাতাকলের মাধ্যমে এত পরিমাণ আটা তৈরী করেছেন যার কারণে তাঁর হাত ক্ষত- বিক্ষত হয়ে যায়, তিনি এত পরিমাণ ঘর রান্না- বান্নার

কাজ করেছেন যে তাঁর পোশাক ধুলি ধোঁয়া মাখা হয়ে যেত। এ ব্যাপারে তিনি প্রচুর কষ্ট স্বীকার করেছেন।”<sup>৭৫</sup> (উল্লেখ্য যে তিনি মদীনার দরিদ্র ও অভাবগ্রস্ত মানুষদের মধ্যে বিতরণের জন্য প্রতিদিনই রুগটি প্রস্তুত করতেন।)

### রাসূলে খোদা (সা.) হযরত ফাতেমাকে সাহায্য করতেন

একদা রাসূলে খোদা (সা.) হযরত আলীর গৃহে প্রবেশ করেন। তিনি দেখতে পেলেন যে হযরত আলী হযরত ফাতেমার সাথে যাঁতা পিষে আটা বানানোর কাজে ব্যস্ত। তখন নবী (সা.) বলেন : “তোমাদের মধ্যে কে সবচেয়ে বেশী ক্লান্ত?” হযরত আলী বলেন : “ফাতেমা, হে আল্লাহর রাসূল।” নবী (সা.) হযরত ফাতেমাকে সম্বোধন করে বলেন : “মেয়ে আমার ওঠ!” হযরত ফাতেমা উঠে দাঁড়ালেন আর মহানবী (সা.) তাঁর স্থানে গিয়ে বসলেন এবং হযরত আলীর সাথে আটা তৈরীর কাজে সাহায্য করলেন।<sup>৭৬</sup>

### যে রমণী তাঁর স্বামীর কাছে কিছু চায় না

ইমাম বাকের (আ.) বলেছেন : “হযরত ফাতেমা হযরত আলীর নিকট ঘরের কাজ যেমন খামির করা, রুগটি তৈরী করা, গৃহ পরিচ্ছন্ন ইত্যাদি কাজের ব্যাপারে প্রতিশ্রুতিবদ্ধ ছিলেন আর হযরত আলী গৃহের বাহিরের কাজ যেমন কাষ্ঠ ও খাদ্য সংগ্রহের ব্যাপারে হযরত ফাতেমার নিকট ওয়াদাবদ্ধ ছিলেন। একদিন ইমাম আলী হযরত ফাতেমাকে জিজ্ঞেস করেন : “ঘরে কি খাবার আছে?” উত্তরে হযরত ফাতেমা বলেন : “যিনি তোমাকে মর্যাদা দিয়েছেন তাঁর শপথ, তিন দিন যাবৎ ঘরে কিছু নেই।”

ইমাম বলেন : “কেন আমাকে একথা বল নি?” তখন হযরত ফাতেমা বলেন : আল্লাহর রাসূল (সা.) তোমার কাছে কিছু চাওয়ার ব্যাপারে আমাকে নিষেধ করেছেন এবং বলেছেন : “তুমি আলীর কাছে কিছু চেয়ো না। সে স্বেচ্ছায় কিছু আনলে নিও, নতুবা তাঁর কাছে কিছু চেয়ো না।”<sup>৭৭</sup>

## দাম্পত্য জীবনে পারস্পরিক সমঝোতা

আমিরুল মু'মিনীন আলী (আ.) বলেন : “আল্লাহর শপথ, আমার দাম্পত্য জীবনে ফাতেমাকে তাঁর মৃত্যুর পূর্ব মুহূর্ত পর্যন্ত কখনো রাগাইনি আর কোন কাজে তাকে বাধ্য করি নি। সেও আমাকে কখনো রাগান্বিত করে নি এবং কখনো আমার অবাধ্য হয় নি। যখন তাঁর দিকে দৃষ্টি নিক্ষেপ করতাম তখন আমার দুঃখ কষ্ট দূর হয়ে যেত।”<sup>৭৮</sup>

## সর্বাপেক্ষা সত্যবাদী রমণী

হযরত আয়েশা বলেছেন : “ফাতেমার পিতা ব্যতীত ফাতেমার চেয়ে সত্যবাদী কাউকে আমি দেখিনি।”<sup>৭৯</sup>

## ইবাদত

হযরত হাসান বসরী (রহ.) বলেন : “নবী (সা.)- এর উম্মতের মধ্যে হযরত ফাতেমার ন্যায় ইবাদতকারী পৃথিবীতে আর আসেনি। তিনি নামাজ ও ইবাদতে এতবেশী দণ্ডায়মান থাকতেন যে, ফলে তাঁর পদযুগল ফুলে গিয়েছিল।”<sup>৮০</sup>

## ইবাদত ও অপরের জে দোয়া

ইমাম হাসান (আ.) বলেন : “এক বৃহস্পতিবার দিবাগত রাত্রে আমার মাকে ইবাদতে দণ্ডায়মান দেখতে পেলাম। তিনি সুবহে সাদেক পর্যন্ত নামাজ ও মুনাজাতরত ছিলেন। আমি শুনতে পেলাম যে, তিনি মু'মিন ভাই- বোনদের জন্যে তাদের নাম ধরে দোয়া করলেন কিন্তু নিজের জন্যে কোন দোয়াই করলেন না। আমি তাঁকে জিজ্ঞেস করলাম, মা! আপনি যেভাবে অন্যের জন্যে দোয়া করলেন সেভাবে কেন নিজের জন্যে দোয়া করলেন না? উত্তরে তিনি বলেন : হে বৎস! প্রথমে প্রতিবেশীদের জন্যে তারপর নিজেদের জন্যে।”<sup>৮১</sup>

## পর্দা

ইমাম মুসা কাযেম (আ.) তাঁর পিতা ও পিতামহদের কাছ থেকে বর্ণনা করেছেন যে হযরত আমিরুল মু'মিনীন আলী (আ.) বলেছেন : “একদিন এক অন্ধ ব্যক্তি ফাতেমার গৃহে প্রবেশের জন্যে অনুমতি চাইলে তিনি ঐ অন্ধ ব্যক্তি থেকে নিজেকে আড়াল করে রাখলেন । রাসূল (সা.) বললেন : হে ফাতেমা! কেন তুমি এই ব্যক্তি থেকে নিজেকে আড়াল করে রাখছো, সে তো অন্ধ, তোমাকে দেখছে না।? প্রতি উত্তরে ফাতেমা বলেন : যদিও ঐ অন্ধ লোকটি আমাকে দেখছেন না কিন্তু আমি তো তাকে দেখছি। এ অন্ধ ব্যক্তিটির নাসিকা গ্রন্থি তো কাজ করছে। তিনি তো ছান নিতে পারেন। এ কথা শুনে রাসূল (সা.) বলেন : আমি সাক্ষ্য দিচ্ছি যে, তুমি আমার দেহের অংশ।”<sup>৮২</sup>

## সতীত্ব এবং বেগানা পু ষ থেকে দূরত্ব বজায় রাখা

হযরত ফাতেমা (আ.)- কে প্রশ্ন করা হয়, “একজন নারীর জন্য সর্বোত্তম জিনিস কোনটি?” তিনি এর উত্তরে বলেন : “নারীদের জন্যে সর্বোত্তম জিনিস হলো তারা যেন কোন পুরুষকে না দেখে আর পুরুষরাও যেন তাদেরকে দেখতে না পায়।”<sup>৮৩</sup>

তদ্রূপ মহানবী (সা.) যখন তাঁর সাহাবীদের সামনে প্রশ্ন রাখেন যে, “একজন নারী কখন মহান আল্লাহর সবচেয়ে নৈকট্য লাভে সক্ষম হন?” তখন হযরত ফাতেমা বলেন : নারী যখন বাড়ীর সর্বাপেক্ষা গোপন অংশে অবস্থান গ্রহণ করে তখন তার প্রভুর সবচেয়ে নিকটবর্তী হয়। হযরত মুহাম্মদ (সা.) হযরত ফাতেমার উত্তর শ্রবন করে বলেন : “ফাতেমা আমার শরীরের অংশ।”<sup>৮৪</sup>

হ্যাঁ, এটা সুস্পষ্ট যে যতক্ষণ পর্যন্ত একজন নারীর গৃহের বাইরে আসার কারণে কোন হারাম বা নিষিদ্ধ কাজ সংঘটিত না হয় ততক্ষণ তার বহিরাগমনে কোন আপত্তি নেই। কখনো কোন কাজের জন্যে নারীর বহিরাগমনের দিকটা কল্যাণকর হয়ে থাকে আবার কখনো অত্যাবশ্যকীয় হয়ে পড়ে। উপরোল্লিখিত রেওয়াজেতগুলোর অর্থ হচ্ছে কোন প্রয়োজনীয় কাজ ব্যতীত একজন নারীর গৃহের বাইরে পর- পুরুষের দৃষ্টির সামনে নিজেকে উপস্থাপন করা অনুচিত।



## গৃহভৃত্যের সাথে কাজের ভাগাভাগি

হযরত সালমান ফারসী বলেন : একবার হযরত ফাতেমা হস্তচালিত যাঁতাকল দিয়ে আটা তৈরী করছিলেন। আর যাঁতাকলের হাতল ফাতেমার হাতের ক্ষতস্থান দ্বারা রক্তরঞ্জিত হয়ে গিয়েছিল। তখন শিশু হুসাইন তাঁর পার্শ্বে ক্ষুধার জ্বালায় ক্রন্দন করছিল। আমি তাকে বললাম : “হে রাসূলের দুহিতা! আপনার হাত ক্ষত হয়ে গেছে, ‘ফিদা’ (হযরত ফাতেমার গৃহপরিচারিকার নাম)<sup>৮৫</sup> তো আপনার ঘরেই আছে।” তখন তিনি বলেন : “রাসূল (সা.) আমাকে আদেশ করেছেন যে পালাক্রমে একদিন ফিদা ঘরের কাজ করবে আর আমি অন্য একদিন। তার পালা গতকাল শেষ হয়ে গেছে আর আজকে আমার পালা।”<sup>৮৬</sup>

## অলংকার বর্জন

□ ইমাম যাইনুল আবেদীন (আ.) বলেন : আসমা বিনতে উমাইস আমার নিকট এভাবে বর্ণনা করেছেন : “একদা আমি হযরত ফাতেমার পার্শ্বে উপবিষ্ট ছিলাম। যখন হযরত রাসূলে আকরাম (সা.) ফাতেমার গৃহে প্রবেশ করে দেখতে পেলেন যে, ফাতেমা স্বর্ণের একটি গলার হার পড়ে আছে যা আমিরুল মু’মিনীন আলীর (আ.) গণীমতের অর্থ থেকে ক্রয় করেছিলেন। তৎক্ষণাৎ মহানবী (সা.) বলেন : হে ফাতেমা! মানুষ যেন বলতে না পারে মুহাম্মদের কন্যা ফাতেমা প্রতাপশালী বাদশাহেদর পোশাক পরিধান করেছে। তখন হযরত ফাতেমা গলার হার খুলে বিক্রি করে দিলেন। আর বিক্রয়লব্ধ অর্থ দিয়ে একজন দাস ক্রয় করে তাকে মুক্ত করে দিলেন। রাসূল (সা.) তাঁর একাজে অত্যন্ত আনন্দিত হয়েছিলেন।<sup>৮৭</sup>

□ ইমাম বাকের (আ.) বলেছেন : “রাসূল (সা.) সফরে বের হওয়ার পূর্বে তাঁর আত্মীয়-স্বজনদের কাছ থেকে বিদায় গ্রহণ করতেন। সর্বশেষ যার কাছ থেকে তিনি বিদায় নিতেন তিনি হলেন হযরত ফাতেমা এবং তাঁর গৃহ থেকে সফরের যাত্রা শুরু করতেন। আর যখন সফর থেকে প্রত্যাবর্তন করতেন সর্বপ্রথম হযরত ফাতেমার সাথে সাক্ষাৎ করতেন অতঃপর অন্যান্য লোকজনদের সাথে দেখা সাক্ষাৎ করতেন। একবার হযরত মুহাম্মদ (সা.) সফরে গিয়েছিলেন।

সেখানে যুদ্ধের গণিমতের কিছু অংশ হযরত আলীর ভাগে পড়েছিল। তিনি সেই অংশটুকু হযরত ফাতেমাকে দিয়ে চলে গেলেন। নবীকন্যা তা দিয়ে দু'টি রূপার চুড়ি এবং একটি পর্দার কাপড়ের ব্যবস্থা করলেন। তিনি সেই পর্দা গৃহের দ্বারে ঝুলিয়ে রেখেছিলেন। রাসূল (সা.) সফর থেকে ফিরে এসে মসজিদে প্রবেশ করেন এবং অন্যান্য বারের ন্যায় এবারো সর্বপ্রথম হযরত ফাতেমার গৃহে প্রবেশ করেন। হযরত ফাতেমা আনন্দভরে আবেগ-আপ্লুত হয়ে পিতাকে সাদর সম্ভাষণ জানানোর জন্যে এগিয়ে আসেন। তখন মহানবী (সা.) হযরত ফাতেমার হাতে চুড়ি আর গৃহের দ্বারে ঝুলানো পর্দা অবলোকন করেন।

রাসূল (সা.) গৃহাভ্যন্তরে প্রবেশ না করে দরজার পার্শ্বে বসে গেলেন। সেখান থেকে হযরত ফাতেমাকে দেখা যাচ্ছিল। এ অবস্থা দেখে হযরত ফাতেমা ক্রন্দন শুরু করে দেন। তিনি অত্যন্ত চিন্তিত হয়ে পড়লেন। তিনি মনে মনে বলেন এর পূর্বে তো আমার পিতাকে কখনো আমার সাথে এমন আচরণ করতে দেখি নি।

অতঃপর তিনি তাঁর দু'পুত্রকে (ইমাম হাসান ও ইমাম হুসাইন) ডাকলেন এবং একজনের হাতে দরজার পর্দা খুলে আর অপরজনের হাতের চুড়ি খুলে অন্যজনকে দিয়ে বললেন : এগুলো আমার বাবার কাছে নিয়ে যাও। তাকে আমার পক্ষ থেকে সালাম দিয়ে বলবে : “আপনি সফরে যাওয়ার পর এগুলো ছাড়া অন্য কিছুর ব্যবস্থা করি নি। এখন এগুলো দিয়ে আপনার যা খুশী তা করুন, আপনি যে পথে খরচ করতে চান করুন।”

হযরত ফাতেমার দু'সন্তান মায়ের পক্ষ থেকে মহানবী এর কাছে সব কথা খুলে বললেন। -(সা) হযরত ফাতেমার দু' (সা) রাসূল'সন্তানকে চুম্বন দিয়ে তাদেরকে কোলে তুলে নিলেন। তাদের দু'জনকে নিজের দু'হাতের উপর বসিয়ে নির্দেশ দিলেন, ঐ দু' টি চুড়ি ভেঙ্গে যেন টুকরো করা হয়। তিনি সুফফার বাসিন্দাদের মাঝে টু (طُفَّة)করো চুড়িগুলো বিতরণ করে দিলেন। তারা এমন একদল লোক ছিলেন যাদের না কোন বাড়ীঘর ছিল -, না কোন সম্পদ ছিল। অতঃপর দরজার পর্দার কাপড় তাদের মধ্যকার বস্ত্রহীন লোকদের মধ্যে -যা দৈর্ঘ্যে ছিল লম্বা কিন্তু প্রস্থে কম ছিল - ভাগ করে দেন।

অতঃপর রাসূল (সা.) বলেন : “আল্লাহ যেন ফাতেমার উপর রহম করে। নিশ্চয়ই আল্লাহ এ পর্দার পরিবর্তে বেহেশতী বস্ত্র তাকে দান করবেন এবং এ চুড়িগুলোর পরিবর্তে তাকে বেহেশতের অলংকার দান করবেন।”<sup>৮৮</sup>

## বিয়ের পোশাক

হযরত মুহাম্মদ (সা.) হযরত ফাতেমার বিয়ের রাত্রির জন্যে একটি পোশাকের ব্যবস্থা করেন। কেননা হযরত ফাতেমার পরনের পোশাকে তালি দেয়া ছিল। এমন সময় একজন ভিক্ষুক দ্বারা কড়া নাড়ে। ভিক্ষুকটি পরিধানের জন্যে একখানা বস্ত্র প্রার্থনা করে। হযরত ফাতেমা তাঁর পরনের তালি দেয়া কাপড়টি দান করতে মনস্থ করলে মনে পড়ে যায় যে আল্লাহ বলেছেন :

(لَنْ تَأَلُّوا الْبِرَّ حَتَّى تُنْفِقُوا مِمَّا حُبُّونَ)

অর্থাৎ তোমরা যা ভালবাস তা থেকে দান না করা পর্যন্ত কখনো কল্যাণ লাভ করতে পারবে না।<sup>৮৯</sup>

আর এ জন্যেই হযরত ফাতেমা তাঁর বিয়ের নতুন পোশাক ভিক্ষুককে দান করে দেন।<sup>৯০</sup>

## দুনিয়া ত্যাগ ও আ হর ভয়

যখন,

(وَإِنَّ جَهَنَّمَ لَمَوْعِدُهُمْ أَجْمَعِينَ لَهَا سَبْعَةُ أَبْوَابٍ لِكُلِّ بَابٍ مِنْهُمْ جُزْءٌ مَقْسُومٌ)

অর্থাৎ এবং নিশ্চয়ই জাহান্নাম তাদের সকলের জন্যে প্রতিশ্রুত স্থান। তার সাতটি দ্বার আছে। যার প্রত্যেক দ্বারের জন্যে তাদের অন্তর্ভুক্ত স্বতন্ত্র দল থাকবে।<sup>৯১</sup>

এ আয়াতটি অবতীর্ণ হয় তখন আল্লাহর রাসূল (সা.) উচ্চস্বরে ক্রন্দন করেছিলেন। আর তাঁর সাহাবীরাও তাঁর কান্না দেখে কান্নায় ভেঙ্গে পড়েছিলেন। কিন্তু তারা জানতেন না যে হযরত জিবরাঈল (আ.) রাসূল (সা.) উপর কি অবতীর্ণ করেছেন। মহানবী (সা.) ভাবগম্ভীর অবস্থা দেখে তাকে কেউ কিছু প্রশ্ন করার সাহস পায় নি। হযরত মুহাম্মদ (সা.) যখন হযরত ফাতেমাকে দেখতেন তখনি আনন্দিত হয়ে উঠতেন। তাই হযরত সালমান ফারসী মহানবী (সা.)- এর এহেন অবস্থার সংবাদ হযরত ফাতেমাকে প্রদান করার জন্যে তাঁর গৃহাভিমুখে যাত্রা করেন। হযরত সালমান ফারসী তাঁর গৃহে পৌঁছে দেখেন যে হযরত ফাতেমা যাঁতায় আটা তৈরী করছেন, আর

(وَمَا عِنْدَ اللَّهِ خَيْرٌ وَأَبْقَى)

অর্থাৎ আল্লাহর নিকট যা আছে তা কল্যাণকর এবং তাই অবশিষ্ট থাকবে।<sup>৯২</sup>

এ আয়াতটি পাঠ করছেন। তাঁর পরনে একটি পশমী আবা, যার বার জায়গায় খেজুরের আঁশ দ্বারা তালি লাগানো ছিল।

হযরত সালমান ফারসী হযরত ফাতেমার কাছে নবী (সা.)-এর অবস্থা এবং হযরত জিবরাঈল (আ.) যে কিছু নিয়ে অবতীর্ণ হয়েছেন- তা খুলে বললেন। হযরত ফাতেমা উঠে দাঁড়ালেন এবং সেই তালি দেয়া আবা পড়েই বাবার কাছে রওয়ানা হলেন। হযরত সালমান ফারসী হযরত ফাতেমার পরনে এ ধরনের কাপড় দেখে ভীষণ কষ্ট পেলেন। তিনি বলেন : হায়! রোমান ও পারস্য সম্রাটদের কন্যারা রেশমী কাপড় পরিধান করে আর মুহাম্মদ (সা.) কন্যার পরনে পশমী আবা, যার বারো স্থানে তালি লাগানো আছে! হযরত ফাতেমা (আ.) বাবার কাছে পৌঁছে সালাম দিয়ে বললেন : “হে পিতা! সালমান আমার পোশাক দেখে বিস্ময় প্রকাশ করেছে। সেই আল্লাহর শপথ! যিনি আপনাকে নবুওয়াত প্রদান করেছেন, পাঁচ বৎসর যাবৎ এই একটি দুম্বার চর্ম ছাড়া আমাদের অন্য কিছু নেই- যার উপর দিনের বেলা উটের খাবার রাখি আর রাত্রিতে এটাই আমাদের বিছানা। আমাদের বালিশ একটি চামড়া দ্বারা তৈরী যার ভিতরে খেজুরের আঁশ দিয়ে ভর্তি করা হয়েছে। মহানবী (সা.) বলেন : হে সালমান! আমার মেয়ে আল্লাহর পথে অগ্রগামীদের অন্তর্ভুক্ত। হযরত ফাতেমা পিতাকে প্রশ্ন করেন : “বাবা আপনার জন্যে আমার জীবন উৎসর্গ হোক! বলুন, কি কারণে আপনি ক্রন্দন করেছিলেন?” তখন রাসূল (সা.) হযরত জিবরাঈল কর্তৃক অবতীর্ণ আয়াতটি পাঠ করেন। হযরত ফাতেমা আয়াতটি শ্রবণ করে এমনভাবে ক্রন্দন করেন যে মাটিতে পড়ে যান। তখন থেকে অনবরত তিনি বলতেন : হায়! হায়! যার জন্যে জাহান্নামের আগুন নির্ধারিত হবে তার অবস্থা কেমন হবে..।<sup>৯৩</sup>

## ক্ষুধা এবং আসমানী খাদ্য

হযরত আবু সাঈদ খুদরী বলেন : “একদা আলী ইবনে আবি তালিব ভীষণ ক্ষুধার্ত ছিলেন। তিনি হযরত ফাতেমাকে বলেন : তোমার কাছে কি আমাকে দেবার মত কোন খাবার আছে? হযরত

ফাতেমা বলেন : না। সেই আল্লাহর কসম! যিনি আমার পিতাকে নবুওয়াত এবং তোমাকে তাঁর উত্তরাধিকারীত্ব দানে সম্মানিত করেছেন, কোন খাবার আমার কাছে নেই। কোন খাবার ছাড়াই দু’দিন গত হয়ে গেছে। যৎসামান্য খাবার ছিল তা তোমাকে দিয়েছিলাম। তোমাকে আমি এবং আমার আদুরে দুই সন্তানের উপর স্থান দিয়েছি।

উত্তর শুনে হযরত আলী বলেন : কেন তুমি আমাকে আগে অবহিত করোনি, তাহলে তো আমি তোমাদের জন্যে খাবারের ব্যবস্থা করতাম। হযরত ফাতেমা বলেন : হে আবুল হাসান! আমি যে জিনিস তোমার কাছে নেই তা চাপিয়ে দিতে আল্লাহর কাছে লজ্জা পাই।

হযরত আলী হযরত ফাতেমার কাছ থেকে বিশ্বাস ও আল্লাহর উপর নির্ভর করে ঘরের বাইরে চলে গেলেন এবং পরে তিনি কারো কাছ থেকে এক দিনার ঋণ নিয়েছিলেন।

তিনি তা দিয়ে তাঁর পরিবারের জন্যে কিছু ক্রয় করার মনস্থ করেন কিন্তু তখন হযরত মেকদাদ বিন আল আসওয়াদের সাথে তাঁর দেখা হয়। তিনি মেকদাদকে দুশ্চিন্তাগ্রস্ত অবস্থায় দেখতে পান। সেদিনের আবহাওয়া প্রচন্ড গরম ছিল। সূর্যের উত্তাপে তাঁর ছাতি ফেটে যাচ্ছিল আর পায়ের নিচের মাটিও ছিল ভীষণ উত্তপ্ত। এহেন অবস্থা তাকে বেশ কষ্ট দিচ্ছিল। তিনি মেকদাদকে জিজ্ঞেস করেন : হে মেকদাদ, তোমার এমন কি ঘটেছে যার কারণে এ সময়ে তুমি বাড়ী ও পরিবার ছেড়ে বাইরে আসতে বাধ্য হয়েছো? হযরত মেকদাদ বলেন : হে আবুল হাসান! আমাকে আমার নিজের অবস্থায় ছেড়ে দিন, আমার অবস্থার কথা জিজ্ঞেস করবেন না। তখন হযরত আলী (আ.) বললেন : ভাই, তুমি না বলে আমার কাছ থেকে চলে যেতে পারবে না। মেকদাদ বলেন : ভাই, আল্লাহর ওয়াস্তে আমাকে ছেড়ে দিন। আমার অবস্থা সম্পর্কে জানতে চাইবেন না।

হযরত আলী বললেন : ভাই, এটা অসম্ভব। তুমি কোনক্রমে আমার কাছ থেকে লুকাতে পারবে না।

তখন হযরত মেকদাদ বলেন : হে আবুল হাসান! যেহেতু আপনি জোর করে ধরেছেন তাই বলছি। আমি সেই আল্লাহর কসম খেয়ে বলছি যিনি হযরত মুহাম্মদকে (সা.) নবুওয়াত এবং আপনাকে

ইমামত দানে সম্মানিত করেছেন, আমি আমার পরিবারের জন্যে রোজগারের উদ্দেশ্যে কাজের সন্ধানে বের হয়েছি। কেননা আমি যখন আমার পরিবার থেকে বিদায় নিয়ে ঘরের বাইরে চলে আসছিলাম তখন তারা ক্ষুধার জ্বালায় ছটফট করছিল। আর আমার পরিবারের কান্না শুনে সহ্য করতে না পেরে চিন্তিত মন নিয়ে ঘরের বাইরে চলে এসেছি। আমার এই হলো অবস্থা।

হযরত আলীর চোখে এমনভাবে অশ্রু ভরে গেল যে তাঁর দাড়ি মোবারক পর্যন্ত অশ্রু গড়িয়ে পরতে লাগলো। তিনি মেকদাদকে বললেন : তুমি যার কসম দিয়েছ আমিও তার কসম দিয়ে বলছি যে আমিও ঠিক তোমার মত একই কারণে বাড়ী থেকে বেরিয়ে এসেছি। আমি একটি দিনার ঋণ করেছিলাম। এক্ষণে আমি তোমাকে আমার উপর অগ্রাধিকার দিচ্ছি। এ বলে তিনি দিনারটি তাকে দিয়ে মসজিদে নববীতে প্রবেশ করলেন। সেখানে তিনি যোহর, আসর এবং মাগরিব নামাজ আদায় করলেন। মহানবী (সা.) মাগরিব নামাজ সমাপ্ত করে আলীর কাছ দিয়ে যাওয়ার সময় তাকে ইশারা করলেন। আলী প্রথম কাতারে দাঁড়িয়েছিলেন। আলী উঠে দাঁড়ালেন এবং রাসূল (সা.)- এর পিছনে পিছনে হাঁটা শুরু করলেন।

অবশেষে মসজিদের দরজার নিকট মহানবীর সাথে মিলিত হয়ে তাঁকে সালাম করেন এবং রাসূল (সা.) তাঁর সালামের উত্তর দিলেন। মহানবী (সা.) বলেন : হে আবুল হাসান ! আমি কি রাত্রের খাবারের জন্যে তোমার সাথে আসতে পারি?

হযরত আলী মাথা নিচু করে চুপিসারে দাঁড়িয়ে রইলেন। তিনি লজ্জায় হতবাক। মহানবী (সা.)- এর সামনে কি উত্তর দিবেন বুঝে উঠতে পারছেন না। মহানবী (সা.) দিনারের ঘটনা এবং এটা কোথা থেকে ব্যবস্থা করেছে আর তা কাকে দান করেছে- এসব কিছু সম্পর্কে অবগত ছিলেন। আল্লাহ রাসূল আ'লামিন তাঁর রাসূলকে ওহীর মাধ্যমে জানিয়ে দিয়েছিলেন যে সেই রাত্রিতে যেন তিনি আলীর কাছে যান। রাসূল (সা.) আলীর নিপুঙ্কতা লক্ষ্য করে বললেন : হে আবুল হাসান! কেন তুমি না বলে আমাকে ফিরিয়ে দিচ্ছ না অথবা হ্যাঁ বলে তোমার সাথে যাওয়ার জন্যে বলছো না?

আলী লজ্জায় নবী (সা.)- এর সম্মানে বললেন : চলুন! আমি আপনার খেদমতে আছি। নবী করীম (সা.) আলীর হাত ধরে ফাতেমার গৃহে প্রবেশ করলেন। তখন ফাতেমা নামাজ শেষে তাঁর মেহরাবে অবস্থান নিয়েছিলেন। তাঁর পিছনে একটি বড় হাড়ি রাখা ছিল। সেখান থেকে অনবরত বাষ্প বের হচ্ছিল। ফাতেমা পিতার গলার ক শুনে নামাজেন স্থান ত্যাগ করে তাকে সালাম দিলেন। ফাতেমা (আ.) নবী (সা.)- এর নিকট সবচেয়ে প্রিয় ব্যক্তি ছিলেন। নবী (সা.) তাঁর সালামের উত্তর দিলেন। তিনি তাঁর পবিত্র হাত দ্বারা ফাতেমার মাথায় হাত বুলিয়ে দিলেন। নবী (সা.) ফাতেমাকে জিজ্ঞেস করেন : “তোমার দিনকাল কেমন কাটছে? আল্লাহ তায়াল্লা তোমার উপর কৃপা করুক। আমাদের রাতের খাবার দাও। আল্লাহ তোমাকে ক্ষমা করুন। নিশ্চয়ই তিনি তোমাকে ক্ষমা করেছেন। ফাতেমা খাবারের পাতিল নবী (সা.) এবং হযরত আলীর সামনে রাখলেন। আলী খাবারের প্রতি দৃষ্টি দিলেন এবং তার সুঘ্রান পেয়ে অবাক কৈ ফাতেমাকে জিজ্ঞেস করেন : হে ফাতেমা! এ খাবার তোমার কাছে কোথা থেকে পৌঁছেছে- যা কোনদিন দেখিনি? এরকম সুস্বাদু খাবার তো আগে কোনদিন খাইনি?

মহানবী (সা.) হযরত আলীর স্কন্ধে হস্ত মোবারক রেখে ইশারা করে বললেন : হে আলী! এ খাবার তোমার সেই দিনারের পুরস্কার ও প্রতিদান। মহান আল্লাহ কুরআনুল কারীমে এরশাদ করেন :

(إِنَّ اللَّهَ يَرْزُقُ مَنْ يَشَاءُ بِغَيْرِ حِسَابٍ)

অর্থাৎ “নিশ্চয়ই আল্লাহ যাকে ইচ্ছে করেন তাকে অফুরন্ত রিজিক দান করেন।”<sup>৯৪</sup>

অতঃপর আনন্দে আল্লাহর শোকর গুজারিতে উদ্বেলিত অবস্থায় প্রিয় নবী হযরত মুহাম্মদ (সা.)- এর চক্ষুযুগল থেকে অশ্রু গড়িয়ে পড়ে। তিনি বলেন : সেই আল্লাহকে ধন্যবাদ যিনি এ পৃথিবী থেকে বিদায় নেয়ার পূর্বেই তোমাদেরকে পুরস্কৃত করেছেন। হে আলী, আল্লাহ তোমাকে হযরত যাকারিয়া (আ.) এবং ফাতেমা কে - (আ.) হযরত মারিয়ামের অবস্থার ন্যায় করেছেন।<sup>৯৫</sup>

আল্লাহ বলেন :

(كُلَّمَا دَخَلَ عَلَيْهَا زَكَرِيَّا الْمِحْرَابَ وَجَدَ عِنْدَهَا رِزْقًا)

অর্থাৎ “যখনি যাকারিয়া (মারিয়ামের) মেহরাবের স্থানে প্রবেশ করতো তখনি তাঁর নিকট রিযিক (খাবার) দেখতে পেতো। ৯৬

## অভাব দের দান এবং অত্যন্ত বরকতময় গলার হার

হযরত জাবির বিন আবদুল্লাহ্ আনসারী বলেন : “একদিন রাসূলে আকরাম (সা.) আসরের নামাজ আমাদের সাথে আদায় করেন। নামাজ শেষে তিনি কেবলামুখী হয়ে বসেছিলেন এবং লোকজন তাঁর চারপাশে জড় হয়েছিল। তখন একজন আরব বৃদ্ধ মুহাজির (যার পরনে অত্যন্ত পুরনো কাপড় ছিল) মহানবীর নিকট আসেন। সে লোকটি বার্ষিক্যের কারণে সোজা হয়ে দাঁড়াতে পারছিলেন না। রাসূলে খোদা (সা.) লোকটির সাথে কুশলাদি বিনিময় করেন। ঐ বৃদ্ধ লোকটি বলেন : “ইয়া রাসুলুল্লাহ্, আমি ক্ষুধার্ত, আমাকে অন্ন দান করুন। আমার পরনের কাপড় নেই, আমাকে পরিধেয় বস্ত্র দান করুন। আমি নিঃস্ব, দরিদ্র, আমাকে দয়া করে কিছু দিন।”

রাসুলুল্লাহ্ (সা.) বললেন : “আমার দেয়ার মত কিছু নেই। তবে কোন ভাল কাজের দিক-নির্দেশনা দান তা সম্পাদন করার অনুরূপ। তুমি ফাতেমার বাড়িতে যাও। সে আল্লাহ্ ও তাঁর রাসূলকে ভালবাসে এবং আল্লাহ্ ও তাঁর রাসূলও তাকে ভালবাসে। সে আল্লাহর পথে দান করে থাকে।”

হযরত ফাতেমার গৃহ রাসূল (সা.)- এর গৃহ সংলগ্ন ছিল এবং ঐ বাড়ীটি নবী (সা.)- এর স্ত্রীদের থেকে পৃথক ছিল।

রাসূল (সা.) হযরত বেলালকে ডেকে বললেন : হে বেলাল, তুমি এই বৃদ্ধ লোকটিকে ফাতেমার বাড়িতে পৌঁছিয়ে দিয়ে আস। বৃদ্ধ লোকটি হযরত বেলালের সাথে হযরত ফাতেমার গৃহের দ্বারে পৌঁছেন। সেখান থেকেই বৃদ্ধ উচ্চৈঃস্বরে বললেন : আসসালামু আলাইকুম, হে নবুওয়াতের পরিবার, ফেরেশতাদের গমনাগমনের স্থল, আল্লাহর পক্ষ থেকে ওহী নাযিলের জন্যে হযরত জিবরাঈল আমিনের অবতীর্ণ হওয়ার স্থান। হযরত ফাতেমা উত্তরে বললেন : “ওয়া আলাইকুমুস সালাম, আপনি কে?”



বৃদ্ধ লোকটি বললেন : “আমি একজন বৃদ্ধ আরব, যে কষ্ট ও দুর্ভাবস্থা থেকে (মুক্তি পাবার লক্ষ্যে) হিজরত করেছে এবং মানবকুলের মুক্তিদাতা আপনার পিতার পানে ছুটে এসেছে। এখন হে মুহাম্মদ (সা.)- এর দুহিতা! আমি ক্ষুধার্ত ও বস্ত্রহীন। আমাকে দয়া ও অনুগ্রহ দানে ধন্য করুন। আল্লাহ আপনার উপর রহমত বর্ষণ করুন।”

এ সময়ে হযরত ফাতেমা, হযরত আলী ও রাসূল (সা.) তিন দিন যাবৎ কিছু খান নি। নবী করীম (সা.) তাদের অবস্থা ভাল করেই জানতেন। হযরত ফাতেমা দুম্বার চামড়া বিশিষ্ট হাসান ও হুসাইনের বিছানাটি হাতে তুলে নিয়ে বললেন : হে দরজার বাইরে দন্ডায়মান ব্যক্তি! এটা নিয়ে যাও। আশা করি আল্লাহ তোমাকে এর চেয়ে উত্তম কিছু দান করবেন।

আরব বৃদ্ধটি বললেন : “হে মুহাম্মদ (সা.)- এর কন্যা! আপনার কাছে আমি ক্ষুধা নিবৃত্তির কথা বলেছি আর আপনি আমাকে পশুর চামড়া দিচ্ছেন। আমি এ চামড়া দিয়ে কি করবো?”

হযরত ফাতেমা বৃদ্ধ লোকটির কথা শুনে হযরত হামযার কন্যা ফাতেমার উপহার তার গলার হারটি খুলে বৃদ্ধ লোকটিকে দান করে দিলেন আর বললেন, এটাকে নিয়ে বিক্রি কর। আশা করি আল্লাহ তোমাকে এর চেয়ে আরো উত্তম কিছু দান করবেন।

আরব মুহাজির গলার হারটি নিয়ে মসজিদে নববীতে পৌঁছলেন। তখন নবী (সা.) তাঁর সাহাবীদেরকে নিয়ে বসে ছিলেন। বৃদ্ধ আরব বললেন : ইয়া রাসূলুল্লাহ! এই গলার হারটি হযরত ফাতেমা আমাকে দান করেছেন। আর তিনি বলেছেন : “এ গলার হারটি বিক্রি করো। আশা করি আল্লাহ তোমার প্রয়োজন মিটিয়ে দিবেন।”

রাসূলুল্লাহ আর চোখের অশ্রু ধরে রাখতে পারলেন না। তিনি বললেন : যে জিনিস সমগ্র নারীকুলের নেত্রী ফাতেমা তোমাকে দিয়েছে কি করে সম্ভব তার দ্বারা আল্লাহ তোমার প্রয়োজন মিটাবেন না?

হযরত আম্মার ইবনে ইয়াসির উঠে দাঁড়ালেন। তিনি বললেন : ইয়া রাসূলুল্লাহ! আমাকে কি এই গলার হারটি কেনার অনুমতি দেবেন? রাসূল (সা.) জবাবে বললেন : “হে আম্মার! এটা ক্রয় কর। যদি সমস্ত জিন ও ইনসান এটা ক্রয়ের মধ্যে অংশগ্রহণ করে আল্লাহ তাদের সকলের উপর থেকে

দোজখের আগুন উঠিয়ে নিবেন।” হযরত আমার জিজ্ঞেস করেন : হে আরব বৃদ্ধ! এ গলার হারটি কত বিক্রি করবে? বৃদ্ধ লোকটি জবাবে বললেন :

“এ গলার হারের পরিবর্তে আমার জন্যে এতটুকুই যথেষ্ট যে, আমি যেন তা দিয়ে কিছু রুটি ও মাংস কিনে ক্ষুধা নিবারণ করতে পারি এবং একটা কাপড় কিনে আমার দেহ আবৃত করতে পারি যেন সে কাপড় দিয়ে আল্লাহর দরবারে নামাজে দাঁড়াতে পারি। আর কয়েকটি দিনারই যথেষ্ট যা আমি আমার পরিবারকে দিতে পারি।” হযরত আমাদের কাছে নবী (সা.) কর্তৃক প্রাপ্ত খায়বরের যুদ্ধের গণিমতের কিছু মাল অবশিষ্ট ছিল। তিনি বলেন : “এ গলার হারের বিনিময়ে আমি তোমাকে বিশ দিনার ও দু’শ দেহহাম, একটি ইয়েমানী পোশাক এবং একটি উট দিবো যার মাধ্যমে তুমি তোমার পরিবারের নিকট পৌঁছতে পার। আর তাতে তোমার ক্ষুধা নিবারণের ব্যবস্থাও হবে।”

বৃদ্ধ লোকটি বললেন : হে পুরুষ! তুমি অত্যন্ত দানশীল। অতঃপর সে লোকটি হযরত আমাদের সাথে তাঁর গৃহে গেল। হযরত আমার প্রতিশ্রুতি মোতাবেক সব কিছু সে লোকটিকে দিলেন। বৃদ্ধ লোকটি মালামাল নিয়ে রাসূল (সা.)-এর কাছে এলেন। তিনি জিজ্ঞেস করেন : “এখন তোমার ক্ষুধা মিটেছে? তোমার পরিধেয় বস্ত্র পেয়েছো?”

উত্তরে লোকটি বললেন। “জি, হ্যাঁ! আমার প্রয়োজন মিটেছে। আমার পিতা-মাতা আপনার জন্যে উৎসর্গ হোক।”

রাসূল (সা.) বললেন : “তাহলে ফাতেমার জন্যে তাঁর অনুগ্রহের কারণে দোয়া কর।”

তখন আরব মুহাজির লোকটি এভাবে দোয়া করলেন : “হে আল্লাহ! তুমি সর্বদাই আমার প্রভু। তুমি ব্যতীত অন্য কোন উপাস্যের আমি ইবাদত করি না। তুমি সকল ক্ষেত্রে থেকে আমার রিযিকদাতা। হে পরোয়ারদিগার! ফাতেমাকে এমন সব কিছু দাও যা চক্ষু কখনো অবলোকন করে নি আর কোন কর্ণ কখনো শ্রবণ করে নি।”

প্রিয় নবী (সা.) তার দোয়ার শেষে আমিন বললেন এবং তাঁর সাহাবীদের প্রতি তাকিয়ে বলেন : “নিশ্চয়ই আল্লাহ এ পৃথিবীতে ফাতেমাকে এই দোয়ার ফল দান করেছেন। কেননা আমি তাঁর

পিতা, আমার সমকক্ষ পৃথিবীতে অন্য কেউ নেই। আর আলী তাঁর স্বামী। যদি আলী না থাকতো তাহলে কখনো তাঁর সমকক্ষ স্বামী খুঁজে পাওয়া যেত না। আল্লাহ্ ফাতেমাকে হাসান ও হুসাইনকে দান করেছেন। বিশ্বের বুকে মানবকুলের মাঝে তাদের ন্যায় আর কেউ নেই। কেননা তাঁরা বেহেশতের যুবকদের সর্দার।” রাসূল (সা.)- এর সামনে হযরত মেকদাদ, হযরত আম্মার ও হযরত সালমান ফারসী দাঁড়িয়ে ছিলেন।

হযরত মুহাম্মদ (সা.) তাদেরকে উদ্দেশ্য করে বললেন : ফাতেমার মর্তবা ও মর্যাদার ব্যাপারে আরো কিছু বলবো?

“বলুন, ইয়া রাসূলুল্লাহ্! ” - তারা উত্তর দিলেন।

তখন রাসূল (সা.) বললেন : “জিবরাঈল আমাকে সংবাদ দিয়েছে যে ফাতেমার দাফন সম্পন্ন হবার পর কবরে প্রশ্নকারী দু’জন ফেরেশতা তাকে জিজ্ঞেস করবে : তোমার প্রভু কে?

জবাব দিবে : আল্লাহ্। অতঃপর জিজ্ঞেস করবে : তোমার নবী কে?

জবাবে বলবে : আমার পিতা। আরো জিজ্ঞেস করবে, “তোমার যুগের ইমাম ও নেতা কে ছিল?

জবাব দিবে : এই যে আমার কবরের পার্শ্বে দাঁড়িয়ে আছে, আলী ইবনে আবি তালিব।

নবী করীম (সা.) আরো বলেন, তোমরা জেনে রাখো, আমি তোমাদের নিকট ফাতেমার আরো যোগ্যতা ও মর্যাদার কথা বর্ণনা করতে চাই। “ফাতেমাকে রক্ষা করার জন্যে আল্লাহ্ ফেরেশতাদের একটা বড় দলকে দায়িত্ব দিয়েছেন যেন তারা ফাতেমাকে সামনে- পিছনে, ডানে- বায়ে থেকে হেফাজত করতে পারে এবং তারা তাঁর সারা জীবন তাঁর সাথেই রয়েছেন। আর কবরে এবং কবরে মৃত্যুর পরেও তাঁর সাথে আছেন। তারা তাঁর এবং তাঁর পিতা, স্বামী ও সন্তানদের উপর অসংখ্য দরুদ পাঠ করছেন। অতঃপর যারা আমার ওফাতের পর আমার কবর যিয়ারত করবে তারা যেন আমার জীবদ্দশাতেই আমাকে যিয়ারত করলো। আর যারা ফাতেমার সাক্ষাত লাভ করে তারা আমার জীবদ্দশায়ই আমাকে দেখার সৌভাগ্য অর্জন করলো। যারা আলী বিন আবি তালিবের সাথে সাক্ষাৎ করলো মনে করতে হবে ফাতেমারই সাক্ষাতের সৌভাগ্য হয়েছে। যারা হাসান ও হুসাইনকে দেখার সৌভাগ্য অর্জন করলো তারা আলী বিন আবি

তালিবেরই সাক্ষাৎ লাভ করলো। আর যারা হাসান ও হুসাইনের বংশের সন্তানদের সাথে সাক্ষাৎ লাভ করলো তারা ঐ দুই মহান ব্যক্তির সাক্ষাতেই সৌভাগ্যবান হলো।”

পরক্ষণে হযরত আমাদের গলার হারটি নিয়ে মেশক দ্বারা সুগন্ধযুক্ত করলেন এবং ওটাকে ইয়েমেনী কাপড়ে মোড়ালেন। তার একটা দাস ছিল। তার নাম ছিল সাহম। খায়বরের যুদ্ধের গণিমতের মালের যে অংশ তাঁর ভাগে পড়েছিল তা দিয়ে তিনি এই গোলামকে ক্রয় করেছিলেন। তিনি গলার হারটিকে তাঁর এ গোলামের হাতে দিয়ে বললেন : এটা রাসূল (সা.)- কে দিও আর তুমিও এখন থেকে তাঁর হয়ে গেলে।

গোলাম গলার হারটি নিয়ে রাসূল (সা.) খেদমতে পৌঁছে আমাদের বক্তব্য তাঁর কাছে বলল। হযরত রাসূলে আকরাম (সা.) বললেন : তুমি ফাতেমার কাছে চলে যাও। তাকে গলার হারটি দিয়ে দাও আর তুমিও এখন থেকে তাঁর হয়ে কাজ করবে। লোকটি হযরত ফাতেমার কাছে গলার হারটি নিয়ে গেল এবং নবী (সা.)- এর কথা তাঁর কাছে পৌঁছালো। হযরত ফাতেমা গলার হারটি গ্রহণ করলেন আর দাসটিকে মুক্ত করে দিলেন। দাসটি হাসি ধরে রাখতে পারলো না। হযরত ফাতেমা প্রশ্ন করলেন : “তোমার হাসির কারণ কি?”

সদ্য মুক্ত দাসটি বলল : “এই গলার হারের অভাবনীয় বরকত আমার মুখে হাসি ফোটাতে বাধ্য করেছে। যা ক্ষুধার্তকে অন্ন দিয়ে পেট ভর্তি করেছে, বস্ত্রহীন ব্যক্তিকে বস্ত্র পরিধান করিয়েছে এবং অভাবীর অভাব পূরণ করেছে আর একজন দাসকে শ্ লমুক্ত করেছে। অবশেষে গলার হার আবার তার মালিকের কাছে ফিরে এসেছে।”<sup>৯৭</sup>

## জ্যোতির্ময় চাদর

একবার আলী (আ.) জনৈক ইহুদীর কাছ থেকে সামান্য পরিমাণ যব ঋণ নিয়েছিলেন। ইহুদী লোকটি ঋণের পরিবর্তে কিছু বন্ধক চাইলো। হযরত আলী (আ.) হযরত ফাতেমার পশমী চাদরটি বন্ধক রাখলেন।

ইহুদী লোকটি চাদরটি নিয়ে তার কোন একটি কক্ষে রেখে দিল। রাত্রিতে কোন এক কাজের জন্যে ইহুদীর স্ত্রী ঐ কক্ষে প্রবেশ করলে দেখতে পেল যে ঘরের কোন জায়গা থেকে আলোকছটা

সারা ঘরকে আলোকিত করেছে। মহিলা তার স্বামীকে জানালো যে, ঐ ঘরের ভিতরটা আলোয় উজ্জ্বল হয়ে গেছে। ইহুদী লোকটি তার স্ত্রীর কথায় বিস্ময় প্রকাশ করে। সে একেবারে ভুলেই গেছে যে সে কক্ষে হযরত ফাতেমার চাদরখানা রাখা আছে। লোকটি দ্রুত সে কক্ষে প্রবেশ করে দেখতে পেল যে, হযরত ফাতেমার চাদরটি থেকে নূর ভেসে আসছে। আর সে নূর দিয়েই সমস্ত ঘর আলোকিত হচ্ছে। মনে হচ্ছে যেন উজ্জ্বল চন্দ্র অত্যন্ত নিকট থেকে আলো বিতরণ করছে। ইহুদী লোকটি অবাক নয়নে তাকিয়ে রইল। লোকটি বুঝতে পারলো যে, এ আলো হযরত ফাতেমার চাদরের কাছ থেকেই আসছে। সে তার আত্মীয়-স্বজনদের খবর দিল। মহিলাটিও তার আত্মীয়দের সংবাদ পাঠালো। দেখতে দেখতে প্রায় আশিজন ইহুদী জড়ো হয়ে গেল। তারা সবাই ঘটনাটি স্বচক্ষে অবলোকন করলো। পরিশেষে তারা সবাই কলেমা পাঠ করে ইসলামে দীক্ষিত হলো।<sup>১৮</sup>

## ব হীন পবিত্র রমণীর জে বেহেশতী পোশাক

একদা কয়েকজন ইহুদী একটা বিয়ের অনুষ্ঠানের আয়োজন করেছিল। এ কারণে তারা মহানবীর নিকট এসে বললো : “প্রতিবেশী হিসেবে আমাদের উপর আপনার অধিকার আছে। আমরা আপনাকে অনুরোধ করছি দয়া করে আপনার মেয়ে ফাতেমাকে আমাদের মেয়ের বিয়ের অনুষ্ঠানে পাঠাবেন। আশা করি তার বদৌলতে এই বিয়ের অনুষ্ঠান আরো বেশী সৌন্দর্যমণ্ডিত হয়ে উঠবে। এ নিমন্ত্রণে হযরত ফাতেমার অংশগ্রহণের ব্যাপারে তারা নবী (সা.)-কে বেশ পীড়াপীড়ি করছিল।”

মহানবী (সা.) বললেন : “সে (ফাতেমা) আলী বিন আবি তালিবের স্ত্রী। আর তার নির্দেশেই সে (ফাতেমা) পরিচালিত হয়।”

তারা বিনীত কণ্ঠে এ ব্যাপারে নবী (সা.)-কে মধ্যস্থতা করার জন্যে আরজি পেশ করে।

ইহুদীরা এ বিয়ের অনুষ্ঠানে আকর্ষণীয় সব ধরনের জাকজমকপূর্ণ পোশাক, অলংকার ও সৌন্দর্যের সমাবেশ ঘটিয়েছিল। তারা মনে করেছিল যে, হযরত ফাতেমা পুরাতন ও ছেঁড়া কাপড়

পরিধান করে অনুষ্ঠানে অংশগ্রহণ করবে। আর তারা এভাবে তাঁকে অপমান ও খাটো করতে চেয়েছিল।

এ সময়ে হযরত জিবরাঈল (আ.) অত্যন্ত জাকজমকপূর্ণ অলংকারাদিসহ এমন জান্নাতি পোশাক নিয়ে আসলেন যার দ্বিতীয়টি মানুষ কখনো দেখেনি। হযরত ফাতেমা (আ.) সেই কাপড় পড়ে অনুষ্ঠানে অংশগ্রহণ করলে দর্শকরা তার কাপড়ের রং দেখে ও সুঘ্রান পেয়ে বিস্ময়াভিভূত হয়ে যায়। হযরত ফাতেমা (আ.) ইহুদীদের গৃহে প্রবেশ করলে ইহুদী মহিলারা তাঁর সামনে সেজদাবনত হয়ে মাটিতে চুমু খেতে শুরু করে। সেদিন উপস্থিত অনেক ইহুদী এ অলৌকিক ঘটনা দেখে ইসলাম গ্রহণ করেছিল।<sup>৯৯</sup>

### ফেরেশতারা হযরত ফাতেমাকে সাহায্য করেন

হযরত আবু যার গিফারী (রা.) বলেন : একবার রাসূল (সা.) আলীকে ডাকার জন্যে আমাকে পাঠান। আলীর গৃহে এসে তাঁকে ডাকলে কেউ আমার ডাকে সাড়া দিল না। তখন হস্তচালিত যাতাকলটি নিজে নিজেই ঘুরছিল কিন্তু এর পার্শ্বে কেউ ছিল না। আবারো আলীকে আহ্বান করলাম। আলী ঘরের বাইরে আসলেন। আমি তাঁকে নবী (সা.)- এর কথা বললে তিনি রাসূল (সা.)- এর সাথে দেখা করার জন্যে যাত্রা করলেন। তিনি নবী (সা.)- এর কাছে পৌঁছলে নবী (সা.) তাঁর সাথে বিস্তারিত কথোপকথন করলেন এবং এমন কিছু বললেন যা আমি বুঝতে পারলাম না। তাই মহানবী (সা.)- এর কাছে প্রশ্ন করলাম : “হে আল্লাহর রাসূল (সা.)! আলীর গৃহের হস্তচালিত যাতাকলটি দেখে আমি বিস্ময়ে হতবাক হয়ে গিয়েছি। যাতাকলটি কিভাবে নিজে নিজেই ঘুরছিল অথচ এর পার্শ্বে কেউ ছিল না?”

মহানবী (সা.) বলেন : আমার কন্যা ফাতেমা এমন একজন রমণী যার অন্তর ও সর্বাঙ্গকে অঙ্গ-প্রত্যঙ্গসমূহকে আল্লাহ ঈমান ও ইয়াকিনে পূর্ণ করেছেন। আল্লাহ ফাতেমার অক্ষমতা ও দৈহিক দুর্বলতার ব্যাপারে অবহিত। তাই তিনি তাঁর জীবন পরিচালনার ক্ষেত্রে গায়েবীভাবে সাহায্য করে থাকেন। তুমি কি জান না আল্লাহর এমন অনেক ফেরেশতা আছেন যারা মুহাম্মদ (সা.)- এর বংশকে সাহায্য করার জন্যে দায়িত্বপ্রাপ্ত।<sup>১০০</sup>

## আহলে বাইতের আ ত্যাগ ও সূরা আল ইনসানের (দাহর) অবতীর্ণ হওয়ার ঘটনা

শিয়া ও সুন্নী উভয় মাযহাবের প্রায় সকল বর্ণনাকারী বর্ণনা করেছেন যে, আমিরুল মুমিনীন আলী (আ.), হযরত ফাতেমা (আ.) এবং ইমাম হাসান ও ইমাম হুসাইন আর তাদের দাসী ‘ফিদা’ তাদের মানত মোতাবেক তিন দিন রোজা রেখেছিলেন।

প্রথম রাতে যখন তারা সকলে ইফতারী করতে মনস্থ করেন সে সময়ে একজন ভিক্ষুক দরজায় কড়া নাড়লো। হযরত আলী তার নিজের ইফতারীর অংশটুকু ভিক্ষুককে দিয়ে দিলেন। হযরত আলীকে অনুসরণ করে অন্যেরাও তাদের নিজ নিজ অংশ ভিক্ষুককে দান করলেন। অবশেষে তারা সকলে পানি পান করে রোজা ভঙ্গ করলেন। আবার দ্বিতীয় রাতে একজন ইয়াতিম এসে দরজায় হাঁক দিল। আবারো তারা সকলে তাদের ইফতারী সেই ইয়াতিমকে দান করে দিলেন। এরকম তৃতীয় রজনীতে একজন কয়েদী কিছু সাহায্য প্রার্থনা করলে এবারেও তারা তাদের ইফতারীর সবটুকুই তাকে দিয়ে দিলেন।

এ ঘটনার পরিপ্রেক্ষিতে “সূরা আল ইনসান” অবতীর্ণ হয়।<sup>১০১</sup>

নিম্নের এ আয়াতটিতে ঐ সকল মহান ব্যক্তিদের আত্মত্যাগ ও দানের প্রতি ইঙ্গিত প্রদান করা হয়েছে।

(وَ يُطْعَمُونَ الطَّعَامَ عَلَىٰ حُبِّهِ مِسْكِينًا وَيَتِيمًا وَأَسِيرًا)

অর্থাৎ “তারা আল্লাহর ভালবাসায় মিসকিন, ইয়াতিম ও কয়েদীকে খাদ্য দান করেন।”<sup>১০২</sup>

অনেক বিজ্ঞ ধর্মীয় আলেমরা বলেছেন যে, এই পবিত্র সূরাতে সকল ধরনের জান্নাতী নেয়ামতের বর্ণনা ও প্রতিশ্রুতি প্রদান করা হয়েছে তবে জান্নাতী হ্রের কোন বর্ণনা আসেনি। এর কারণ হচ্ছে হযরত ফাতেমা যখন এ আয়াতে উল্লিখিত হয়েছেন তখন জান্নাতী হ্রের কোন বর্ণনার অপেক্ষা রাখে না। শুধুমাত্র হযরত ফাতেমার সম্মানের দিকে দৃষ্টি রেখেই এমনটি করা হয়েছে।<sup>১০৩</sup>

উপরোক্ত ঘটনার বিস্তারিত বিবরণ শিয়া ও সুন্নী বিভিন্ন তাফসীরের গ্রন্থাবলীতে উল্লেখ করা হয়েছে। তাদের মধ্যে “তাফসীরে কাশশাফ” গ্রন্থের লেখক আল্লামা জারুল্লাহ্ যামাখশারী একজন

উচ্চ পর্যায়ের সুন্নী আলেম ও মুফাসসির । তিনি তার স্বীয় তাফসীরে উক্ত ঘটনার বিস্তারিত বিবরণ দিয়েছেন।

## হযরত ফাতেমা ও তাতহীরের আয়াত

বহু সংখ্যক সুন্নী আলেম ও মুফাসসির এবং প্রায় সকল শিয়া মুফাসসির ও হাদীস বর্ণনাকারী নির্দিধায় স্বীকার করেছেন যে তাতহীরের আয়াত তথাঃ

(إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَ يُطَهِّرَكُمْ تَطْهِيرًا)

হযরত মুহাম্মদ (সা.) সহ হযরত আলী, ফাতেমা, হাসান ও হুসাইনকে উদ্দেশ্য করে অবতীর্ণ হয়েছে।<sup>১০৪</sup> এই আয়াতে আহলে বাইতের উদ্দেশ্য হযরত মুহাম্মদ (সা.)- এর বংশধর এই নিষ্পাপ ব্যক্তিবর্গ। আর বিশিষ্ট মুফাসসিরদের মতে তাদের নিষ্পাপত্বের বিষয়টিও প্রমাণ করে। তা ছাড়া আরো প্রচুর হাদীস ও দলিল প্রমাণাদি এ ক্ষেত্রে বিদ্যমান।

আগ্রহী ব্যক্তির এ ব্যাপারে আরো অধিক জানার জন্যে বিস্তারিত বিবরণ সমৃদ্ধ গ্রন্থসমূহ খুলে দেখতে পারেন। আমরা এখানে একটিমাত্র হাদীস বর্ণনা করাই যথেষ্ট মনে করছি।

“নাফে বিন আল হিমরী বলেন : আমি আট মাস মদীনাতে বসবাস করেছিলাম। তখন প্রতিদিন রাসূল (সা.)- কে দেখতাম যখন তিনি ফজর নামাজ আদায়ের জন্যে ঘরের বাইরে আসতেন তখন সর্বপ্রথম ফাতেমার ঘরের দরজার সন্নিহিত গিয়ে বলতেন :

(السَّلَامُ عَلَيْكُمْ يَا أَهْلَ الْبَيْتِ وَ رَحْمَةُ اللَّهِ وَ بَرَكَاتُهُ, أَلصَّلَاةُ, إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَ يُطَهِّرَكُمْ تَطْهِيرًا)

অর্থাৎ “আসসালামু আলাইকুম ওয়া রা াতুল্লাহি ওয়া বারাকাতুহ, হে আহলে বাইত। নামাজের সময় হয়েছে। নিশ্চয়ই আল্লাহ ইচ্ছা করেছেন তোমাদের থেকে সকল ধরনের পাপপঙ্কিলতা দূরীভূত করতে - পবিত্র করতে। -বাইত এবং তোমাদেরকে পুত হে আহলে”<sup>১০৫</sup>

## মুবাহিলাতে রাসূল আকরাম (সা.)- এর স ী

প্রচুর সংখ্যক হাদীস বর্ণনাকারী তাদের হাদীস গ্রন্থে এবং ঐতিহাসিক ও মুফাসসিরগন তাদের ইতিহাস ও তাফসীরের কিতাবসমূহে সুস্পষ্ট ভাবে বর্ণনা করেছেন যে, হযরত ফাতেমা আয



যাহরা (আ.), নাজরানের খৃষ্টান পাদ্রীদের সাথে নবী (সা.)-এর চ্যালেঞ্জের আহবানে অংশগ্রহণকারী আহলে বাইতের পাঁচ সদস্যের মধ্যে অন্যতম। এ বিষয়টি তাদের উচ্চ মর্যাদা ছাড়াও এমন একটি শক্তিশালী প্রমাণ যার মাধ্যমে পরিষ্কার হয়ে যায় যে, “নবী (সা.)-এর নিষ্পাপ আহলে বাইত হযরত আলী, হযরত ফাতেমা, ইমাম হাসান ও ইমাম হুসাইন বৈ কেউ নন। তাঁর অন্যান্য আত্মীয়-স্বজন ও স্ত্রীবর্গ এ বিশেষ মর্যাদার মধ্যে গণ্য নন। নিম্নে সংক্ষিপ্তাকারে মুবাহিলার ঘটনা বর্ণনা করা হলো :

একদা নাজরানের কতিপয় খৃষ্টান পাদ্রী হযরত মুহাম্মদ (সা.) খেদমতে এসে হযরত ঈসা (আ.)-এর সম্পর্কে আলাপ আলোচনা করলেন। হযরত মুহাম্মদ (সা.) তাদের উদ্দেশ্যে নিম্নের এ আয়াতটি পাঠ করেন :

(إِنَّ مَثَلَ عِيسَىٰ عِنْدَ اللَّهِ كَمَثَلِ آدَمَ خَلَقَهُ مِنْ تُرَابٍ)

অর্থাৎ “নিশ্চয়ই আল্লাহর নিকট ঈসার উদাহরণ আদমের ন্যায় যেমনি করে তিনি তাকে সৃষ্টি করেছেন। মাটি থেকে (আদমকে)”<sup>১০৬</sup>

তারপরও উপস্থিত খৃষ্টান পাদ্রীরা সন্তুষ্ট হলো না। বরং তারা উক্ত আয়াতের প্রতিবাদ করে বসে। তখন মুবাহিলার আয়াত অবতীর্ণ হয়। সে আয়াতে আল্লাহ বলেন :

(فَمَنْ حَاجَّكَ فِيهِ مِنْ بَعْدِ مَا جَاءَكَ مِنَ الْعِلْمِ فَلْيُنَادِلْهُ نِدَاءَ الذَّكَوٰةِ الْيَاسِيٰةِ وَ أُنْفُسًا وَّ أَنْفُسِكُمْ ثُمَّ نَبْتِهَان فَنَجْعَل لَّعْنَتَ اللَّهِ عَلَى الْكٰذِبِيْنَ )

অর্থাৎ “যারা তোমার কাছে (মাসিহ সম্পর্কে) অকাট্য জ্ঞান ও দলীল আসার পরও তোমার সাথে তর্কে লিপ্ত হয় তুমি তাদেরকে বলে দাও, আস! আমরা আমাদের সন্তানদের আহবান করি আর তোমরাও তোমাদের সন্তানদের আহবান জানাও, আমরা আমাদের নারীদের ডেকে আনি আর তোমরাও তাই কর এবং আমরা আমাদেরকে ডেকে আনি আর তোমরাও তোমাদেরকে ডেকে আন। অতঃপর এসো আমরা মুবাহিলা (চ্যালেঞ্জ) করি এবং মিথ্যাবাদীদের উপর আল্লাহর অভিশাপ বর্ষণ করি।”<sup>১০৭</sup>

মুবাহিলার অর্থ হচ্ছে : “কোন বিষয়ে বিবাদমান ও শত্রুভাবাপন্ন দু’পক্ষ পরস্পরের উপর অভিশাপ বর্ষন করবে আর তারা আল্লাহর কাছে বাতিল পক্ষের উপর আযাব ও অভিশাপ কামনা করবে। এ কাজ শুধুমাত্র আল্লাহর মনোনীত পয়গম্বরদের দ্বারাই সম্ভব। কেননা তারাই আল্লাহর সাথে সত্যিকার সম্পর্ক স্থাপন করতে সক্ষম হয়েছেন।”

নাজরানের খৃষ্টানরা প্রথমে সম্মত হয়েছিল যে তারা পরের দিন মুবাহিলাতে অংশগ্রহণ করবে কিন্তু রাসূল (সা.)- এর কাছ থেকে ফিরে গিয়ে তারা নিজেদের মধ্যে এ নিয়ে আলোচনায় লিপ্ত হয়। ইতোমধ্যে খৃষ্টান পাদ্রী তাদেরকে উদ্দেশ্য করে বললেন : “যদি মুহাম্মদ আগামীকাল তাঁর সন্তান ও আহলে বাইতের সদস্যদের নিয়ে আসে তাহলে তাঁর সঙ্গে মুবাহিলা হতে বিরত থাকবে আর যদি তার সঙ্গী-সাথি ও সাহাবীদের নিয়ে আসেন তাহলে তাঁর সাথে মুবাহিলায় কোন আপত্তি নেই।”

তার পরের দিন যথারীতি হযরত মুহাম্মদ (সা.), আমিরুল মুমিনীন আলী (আ.), হযরত ফাতেমা আয যাহরা, ইমাম হাসান ও ইমাম হুসাইনকে সাথে নিয়ে মুবাহিলার উদ্দেশ্যে যথাস্থানে উপস্থিত হলেন। তিনি খৃষ্টানদের মুখোমুখি মাটির উপর বসে পড়েন। অতঃপর তিনি তাঁর আহলে বাইতকে বলেন : “আমি যখন দোয়া করবো তখন তোমরা তার শেষে আমিন বলবে।” খৃষ্টানরা তাঁর প্রতিনিধি দলকে দেখেই ভীতসন্ত্রস্ত হয়ে গেল। খৃষ্টানরা তাঁর পদ্ধতি অপরাপর সত্যপন্থী নবী ও রাসূলদের পদ্ধতির অনুরূপ বলে স্বীকারোক্তি পেশ করলো। তারা নবী (সা.)- এর অনুরোধ জানালো যে, তিনি যেন মুবাহিলা পরিত্যাগ করে তাদের সাথে শান্তি চুক্তিতে সম্মতি হন। তারা শান্তি ও সন্ধির পক্ষে সম্মতি স্বরূপ কিছু অর্থ পরিশোধ করে ফিরে গেল।<sup>১০৮</sup>

## ক্ষুধার্ত পিতার জে কা ১

আবদুল্লাহ বিন আল হাসান বলেন : “একদা রাসূল (সা.) হযরত ফাতেমার গৃহে আগমন করেন। তখন হযরত ফাতেমা এক টুকরো যবের শুকনো রুটি নবী (সা.)- এর সামনে হাজির করলেন। হযরত মুহাম্মদ (সা.) তা দিয়ে ইফতার করলেন। অতঃপর বলেন :

“কন্যা আমার! তোমার প্রিয় পিতা তিন দিন পূর্ব থেকে এ পর্যন্ত এই প্রথম এক টুকরো রুটি খেল। একথা শুনে হযরত ফাতেমা ক্রন্দন শুরু করে দিলেন। আর আল্লাহর রাসূল (সা.) তাঁর হস্ত মোবারকের দ্বারা হযরত ফাতেমার চেহারা থেকে অশ্রু মুছে দিলেন।”<sup>১০৯</sup>

### মহানবী (সা.)- এর কাছে হযরত ফাতেমার সম্মান

নবী পী হযরত আয়েশা থেকে বর্ণিত যে, “যখন হযরত ফাতেমা রাসূল (সা.) কাছে আসতেন তখন তিনি হযরত ফাতেমার সম্মানে জায়গা ছেড়ে উঠে দাড়াতেন এবং ফাতেমার মাথায় চুমু খেতেন। আর তাকে নিজের স্থানে বসিয়ে দিতেন। আবার যখন হযরত মুহাম্মদ (সা.) হযরত ফাতেমার সাক্ষাতে গমন করতেন তখন তাঁরা পরস্পরের মুখে চুম্বন করতেন এবং পাশাপাশি বসতেন।”<sup>১১০</sup>

### শাহাদাত

মহানবী (সা.) ইন্তেকালের পর বিভিন্ন রকম দুঃখ- কষ্ট হযরত ফাতেমার অন্তরে প্রচন্ড চাপ সৃষ্টি করেছিল এবং বিভিন্ন ঘটনাপ্রবাহ তাঁর জীবনটাকে তিক্ত ও অসহ্য করে তুলেছিল। তিনি তাঁর সম্মানিত পিতাকে অত্যন্ত ভালবাসতেন এবং কখনো তাঁর বিচ্ছেদকে সহ্য করতে পারতেন না। একদিকে তাঁর জন্যে পিতার বিয়োগ ব্যথা অত্যন্ত বেদনাদায়ক ছিল। অপরদিকে আমিরুল মুমিনীনের খেলাফতের বিরুদ্ধে চক্রান্তকারীদের আচরণ হযরত ফাতেমা আয যাহরার রুহ ও দেহে সাংঘাতিক ক্ষতের সৃষ্টি করে।

আর এ মুছিবত ও দুঃখ কষ্ট ছাড়াও অন্যান্য ব্যথা বেদনা তাঁকে জর্জরিত করেছিল - যার অবতারণা থেকে এখানে বিরত থাকছি- এসকল কারণেই।

হযরত ফাতেমা (সা.) পিতার ইন্তেকালের পর সর্বদা ক্রন্দনরত ও শোকাকার্ত ছিলেন। তিনি কখনো তাঁর পিতার কবর যিয়ারতে গিয়ে অনেক কাঁদতেন।<sup>১১১</sup> আবার কখনো শহীদদের কবরের পার্শ্বে গিয়ে আহাযারী করতেন।<sup>১১২</sup> আর নিজ গৃহে কান্না ও শোক পালন ব্যতীত অন্য কিছুই করতেন না। তাঁর ক্রন্দন ও রোনাজারীর ব্যাপারে মদীনাবাসীরা প্রতিবাদ করলে আমিরুল মুমিনীন আলী (সা.)

তাঁর জন্যে ‘জান্নাতুল বাকী’ কবরস্থানের এক প্রান্তে একটি ছোট ঘর তৈরী করে দেন যা পরবর্তীতে ‘বাইতুল আহ্যান’ বা ‘শোকের ঘর’ নামে আখ্যায়িত হয়েছে। হযরত যাহরা (আ.) প্রতিদিন সকালে হাসানাইন তথা ইমাম হাসান ও ইমাম হুসাইনকে সাথে নিয়ে সেখানে চলে যেতেন আর রাত পর্যন্ত কবরগুলোর পাশে কান্নাকাটি করতেন। রাত্রি হলেই আমিরুল মুমিনীন আলী (আ.) তাঁকে কবরস্থান থেকে বাড়িতে নিয়ে আসতেন। আর এ কাজ তাঁর অসুস্থ হয়ে শয্যাশায়ী হওয়া পর্যন্ত অব্যাহত থাকে।<sup>১১৩</sup> রাসূল (সা.)- এর সাথে বিচ্ছেদে হযরত যাহরার ব্যথা বেদনা ও দুঃখ কষ্ট এত মাত্রায় বৃদ্ধি পায় যে নবী (সা.)- এর যে কোন স্মৃতিই তাঁকে কান্নায় জর্জরিত ও অস্থির করে তুলতো। হযরত রাসূল (সা.)- এর মুয়াযযিন হযরত বেলাল সিদ্দান্ত নিয়েছিলেন যে, নবী (সা.)- এর তিরোনের পর আর কোনদিন কারো জন্যে আযান বলবেন না। একদিন হযরত যাহরা (আ.) বললেন : “আমার পিতার মুয়াযযিনের কবে আযান শুনতে মন চায়”। এ সংবাদ হযরত বেলালের কর্ণগোচর হলে তিনি তড়িৎগতিতে এসে হযরত ফাতেমার সামনে আযান দিতে দাঁড়িয়ে যান। যখন হযরত বেলালের কবে আল্লাহ্ আকবারের ধ্বনি উচ্চারিত হলো তখন হযরত ফাতেমা চোখে আর কান্না ধরে রাখতে পারলেন না। আর যখন হযরত বেলালের আযান ‘আশহাদু আন্না মুহাম্মাদার রাসূলুল্লাহ্’-তে পৌঁছায় তখন হযরত ফাতেমা যাহরা (আ.) উচ্চৈঃস্বরে চিৎকার করে অজ্ঞান হয়ে পড়েন। উপস্থিত লোকজন হযরত বেলালকে বললেন : “খামুন! রাসূলের কন্যা মারা যাচ্ছেন।” তারা মনে করেছিলেন যে, হযরত ফাতেমা ইহলোক ত্যাগ করেছেন। হযরত বেলাল আযান অসম্পূর্ণ রেখে ক্ষান্ত হলেন। যখন হযরত ফাতেমার চৈতন্য ফিরে আসলো তখন হযরত বেলালকে আযান সম্পূর্ণ করার জন্যে বললেন। কিন্তু হযরত বেলাল তাঁর খেদমতে আরজ করলেন : “হে নারীদের নেত্রী! আমার আযানের ধ্বনি শ্রবনের ফলে আপনার প্রাণনাশের আশংকা করছি।”<sup>১১৪</sup>

অবশেষে হযরত ফাতেমা (আ.)- এর অসহনীয় মর্মপীড়া এবং তাঁর উপর আরোপিত দুঃখ- কষ্ট তাঁকে অল্প কিছুদিনের মধ্যেই শয্যাশায়ী করে ফেললো। পরিশেষে এ আঘাত ও দুঃখ- কষ্টের কারণে একাদশ হিজরীর জামাদিউল উলার তের তারিখে, কারো মতে জামাদিউসসানী মাসের

তৃতীয় দিনে অর্থাৎ হযরত নবী করীমের তিরোধানের মাত্র পঁচাত্তর অথবা পঁচানব্বই দিনের ব্যবধানে তিনি চিরদিনের জন্যে এ নশ্বর পৃথিবী থেকে বিদায় গ্রহণ করেন। তিনি তাঁর শাহাদাতের মাধ্যমে তাঁর অনুসারীদের অন্তরসমূহকে চিরদিনের জন্যে শোকের সাগরে ভাসিয়ে গেছেন।<sup>১১৫</sup>

## তথ্যসূত্র

- ১। আমালী, সাদুক, পৃ. ৬৮৮, মজলিস ৮৬, হাদীস নং- ১৮। ইলালুশ শারায়ী, পৃ. ১৭৮। বিহারুল আনওয়ার, ৪৩তম খণ্ড, পৃ. ১০, ২য় অধ্যায়, হাদীস নং- ১।
- ২। কাশফুল গুম্মাহ, ২য় খণ্ড, পৃ. ১৮। মানাকিবে শাহরে আশুব, ৩য় খণ্ড, পৃ. ১৩২। বিহারুল আনওয়ার (নুতন মুদ্রণ), ৪৩তম খণ্ড, পৃ. ১৬। বাইতুল আহযান, মুহাদ্দীসে কোমী, (সাইয়েদুশ শুহাদা প্রকাশনা, কোম থেকে মুদ্রিত), পৃ. ১২।
- ৩। মানাকিবে শাহরে আশুব, ৩য় খণ্ড, পৃ. ১৩৩। বিহারুল আনওয়ার, ৪৩তম খণ্ড, পৃ. ১৬। বাইতুল আহযান, পৃ. ১০- ১৮।
- ৪। মানাকিবে শাহরে আশুব, ৩য় খণ্ড, পৃ. ১৩২। উসুলে কাফি, ১ম খণ্ড, পৃ. ৪৫৮ (ইসলামিয়া প্রেস, তেহরান)।
- ৫। মানাকিবে শাহরে আশুব, ৩য় খণ্ড, পৃ. ১৩২। উসুলে কাফি, ১ম খণ্ড, পৃ. ৪৫৮ (ইসলামিয়া প্রেস, তেহরান)।
- ৬। মানাকিবে শাহরে আশুব, ৩য় খণ্ড, পৃ. ১৩৭। উসুলে কাফি, ১ম খণ্ড, পৃ. ৪৫৮।
- ৭। মানাকিবে শাহরে আশুব, ৩য় খণ্ড, পৃ. ১০।
- ৮। কাশফুল গুম্মাহ, ২য় খণ্ড, পৃ. ২৪। বিহারুল আনওয়ার, ৩৪তম খণ্ড, পৃ. ৪, ৫, ৬, ৫৪। উয়ুনু আখবারুল রিয়া (তেহরান, জাহান প্রকাশনা), ১ম খণ্ড, পৃ. ১১৬।
- ৯। আল আহযাব : ৩৩। আমালী, তুসী (নাজাফ থেকে প্রকাশিত), ২য় খণ্ড, পৃ. ১৬২, ১৭২, ২১২ এবং আরো অনেক গ্রন্থে এ ব্যাপারে বিস্তারিত লিপিবদ্ধ আছে।
- ১০। আন নাজম : ৪।
- ১১। “শে’বে আবি তালিব” মক্কার নিকটবর্তী একটি উপত্যকার নাম। মক্কার মুশরিকদের বয়কট ও অবরোধের বছরগুলোতে নবী (সা.), তাঁর পরিবার ও বংশের লোকজন এবং মুসলমানরা সেখানে অবস্থান গ্রহণ করেছিলেন।
- ১২। কাশফুল গুম্মাহ, ২য় খণ্ড, পৃ. ৮৪, ৮৫।

- ১৩। আমালী, শেখ তুসী, ২য় খণ্ড, পৃ. ৮৪, ৮৫।
- ১৪। মানাকিবে শাহরে আশুব, ২য় খণ্ড, পৃ. ৬৫। মুনতাহাল আমাল; মুহাদ্দীসে কোমী, (মাতবুয়াতে হুসাইনী প্রকাশনা, তেহরান কর্তৃক মুদ্রিত), পৃ. ৭৮।
- ১৫। কাশফুল গুম্মাহ, ২য় খণ্ড, পৃ. ১৩।
- ১৬। কাশফুল গুম্মাহ, ২য় খণ্ড, পৃ. ৬।
- ১৭। আমালী, তুসী, ২য় খণ্ড, পৃ. ১৪, ১৫।
- ১৮। তাযকিরাতুল খাওয়াস, সিবতে ইবনে জাওয়ী (নাজাফ থেকে প্রকাশিত, ১৩৮৩ হিঃ), পৃ. ৩০২। কাশফুল গুম্মাহ, ২য় খণ্ড, পৃ. ৭১।
- ১৯। সাফিনাতুল বিহার, ১ম খণ্ড, পৃ. ৩৮০।
- ২০। তাযকিরাতুল খাওয়াস, পৃ. ৩০৩। সামান্য তারতম্যে কাশফুল গুম্মাহ, ২য় খণ্ড, পৃ. ৭৮, ৭৯ এবং কামিল, বাহায়ী, ২য় খণ্ড, পৃ. ৭৩ তে একই ঘটনা উল্লেখ করা হয়েছে।
- ২১। বিহারুল আনওয়ার, ১৬তম খণ্ড, পৃ. ৮, ১৩।
- ২২। কাশফুল গুম্মাহ, ২য় খণ্ড, পৃ. ৭৭। মুনতাহাল আমাল, পৃ. ৬৫। তারিখে ইয়াকুবী, (বৈরুত প্রিন্ট), ২য় খণ্ড, পৃ. ৩৫। কোন কোন রেওয়য়াত মতে আবু তালিব হযরত খাদীজার এক মাস পূর্বে মৃত্যুবরণ করেন। আমালী, শেখ তুসী, ২য় খণ্ড, পৃ. ৭৯।
- ২৩। আমালী, শেখ তুসী, ২য় খণ্ড, পৃ. ৭৯। মুনতাহাল আমাল, পৃ. ৬৩, ৬৪, ৬৫, ১৩৬, ১৯৭।
- ২৪। আমালী, শেখ সাদুক, (বৈরুত প্রিন্ট), পৃ. ৪১৯-৪৯২। মুনতাহাল আমাল, পৃ. ১৩৬। ফুসুলুল মুখতারাহ, মুফিদ, পৃ. ২২৮-২৩২।
- ২৫। লক্ষণীয় যে, অধিকাংশ ক্ষেত্রে মুয়াবিয়া ও অন্যান্য উমাইয়া শাসকদের আমলে এ ধরনের অপবাদের প্রচলন ঘটে। তারা আমিরুল মু' মিনীন আলীর সাথে শত্রুতার কারণে এ ধরনের মিথ্যা অপপ্রচার চালিয়েছিল।
- ২৬। আমালী, শেখ তুসী, ২য় খণ্ড, পৃ. ৭৯, ৮০। মানাকিবে শাহরে আশুব, ২য় খণ্ড, পৃ. ১৫৮। ফুসুলুল মুহিম্মা, ইবনে সাব্বাগে মালিকী (নাজাফ থেকে প্রকাশিত), পৃ. ৪৬।

- ২৭। আমালী, শেখ তুসী, ২য় খণ্ড, পৃ. ৮০।
- ২৮। আমালী, শেখ তুসী, ২য় খণ্ড, পৃ. ৮২, ৮৩। মানাকিবে শাহরে আশুব, ১ম খণ্ড, পৃ. ১৫৬, ১৫৭, ১৫৮। ফুসুলুল মুহিম্মা, পৃ. ৪৫, ৪৬, ৪৭।
- ২৯। রাওয়াহ আল কাফি, ইসলামিয়া প্রকাশনা, তেহরান, পৃ. ৩৩৯।
- ৩০। আমালী, শেখ তুসী, ২য় খণ্ড, পৃ. ৮৪। ফুসুলুল মুহিম্মা, পৃ. ৫২।
- ৩১। আমালী, শেখ তুসী, ২য় খণ্ড, পৃ. ৮৪, ৮৫। মানাকিবে শাহরে আশুব, ১ম খণ্ড, পৃ. ১৫৯।
- ৩২। আমালী, শেখ সাদুক, পৃ. ৩৯৩।
- ৩৩। কাশফুল গুম্মাহ, ২য় খণ্ড, পৃ. ১৪, ২৪। বিহারুল আনওয়ার, ৪৩তম খণ্ড, পৃ. ১৯, ২৬। আমালী মুফিদ, পৃ. ৫৬। আমালী, শেখ সাদুক, পৃ. ৩১৪। আমালী, শেখ তুসী, ২য় খণ্ড, পৃ. ৪১। উয়ুনু আখবারির রিয়া (আ.), ২য় খণ্ড, পৃ. ২৫, ২৬। মুসনাদ আল ইমাম আর রিয়া (আ.), ১ম খণ্ড, পৃ. ১৪৩।
- ৩৪। আমালী, শেখ মুফিদ ('বাসিরাতি' প্রকাশনা কর্তৃক প্রকাশিত), পৃ. ২৭, ৩৮। কামেল, শেখ বাহায়ী, ইমাদুদ্বীন রচিত, মুসতাফাভী প্রকাশনা কর্তৃক মুদ্রিত), ১ম খণ্ড, পৃ. ৫১, ৫৩।
- ৩৫। আমালী, শেখ মুফিদ, পৃ. ১৩। আমালী, শেখ তুসী, ১ম খণ্ড, পৃ. ৮৩।
- ৩৬। বিহারুল আনওয়ার, ৪৩তম খণ্ড, পৃ. ৩৬। মানাকিবে শাহরে আশুব, ৩য় খণ্ড, পৃ. ১০৪।
- ৩৭। কাশফুল গুম্মাহ, ২য় খণ্ড, পৃ. ২৩।
- ৩৮। কাশফুল গুম্মাহ, ২য় খণ্ড, পৃ. ২৪। বিহারুল আনওয়ার, ৪৩তম খণ্ড, পৃ. ১৯, ২৬। আমালী, মুফিদ, পৃ. ৫৬। আমালী, তুসী (নাজাফ থেকে প্রকাশিত), ২য় খণ্ড, পৃ. ৪১। আমালী, সাদু , পৃ. ৩১৪। মানাকিবে শাহরে আশুব, ৩য় খণ্ড, পৃ. ১০৬, ১০৭। উয়ুনু আখবারির রিয়া (আ.), ২য় খণ্ড, পৃ. ২৬, ৪৬, ৪৭।
- ৩৯। বিহারুল আনওয়ার, ৪৩তম খণ্ড, পৃ. ১৯, ২০।
- ৪০। বিহারুল আনওয়ার, ৪৩তম খণ্ড, পৃ. ১৯, ২০। উয়ুনু আখবারির রিয়া, ২য় খণ্ড, পৃ. ৬২।



- ৪১। বিহারুল আনওয়ার, ৪৩তম খণ্ড, পৃ. ৩৬। মানাকিবে শাহরে আশুব, ৩য় খণ্ড, পৃ. ১০৫।
- ৪২। বিহারুল আনওয়ার, ৪৩তম খণ্ড, পৃ. ৩৬। মানাকিবে শাহরে আশুব, ৩য় খণ্ড, পৃ. ১০৫।
- ৪৩। বিহারুল আনওয়ার, ৪৩তম খণ্ড, পৃ. ২৪। আমালী, শেখ সাদুক, পৃ. ৩৯৪।
- ৪৪। বিহারুল আনওয়ার, ৪৩তম খণ্ড, পৃ. ২৪। মানাকিবে শাহরে আশুব, ৩য় খণ্ড, পৃ. ১০৫।
- ৪৫। কাশফুল গুম্মাহ্, ২য় খণ্ড, পৃ. ১৩। মুসনাদ আল ইমাম আর রিযা (আ.), মাক্তাব-ই-সাদুক, তেহরান কর্তৃক প্রকাশিত, ১৩৯২হিঃ), ১ম খণ্ড, পৃ. ১৪২।
- ৪৬। কাশফুল গুম্মাহ্, ২য় খণ্ড, পৃ. ১৩। আমালী, মুফিদ, পৃ. ৭৬। আমালী, সাদুক, পৃ. ২৫। মানাকিবে শাহরে আশুব, ৩য় খণ্ড, পৃ. ১০৭।
- ৪৭। বিহারুল আনওয়ার, ৪৩তম খণ্ড, পৃ. ৯৭, ৯৮। খিসাল, সাদুক, পৃ. ৪১২।
- ৪৮। বিহারুল আনওয়ার, ৪৩তম খণ্ড, পৃ. ৯৭। আমালী, তুসী, ১ম খণ্ড, পৃ. ৪২। কাশফুল গুম্মাহ্, ২য় খণ্ড, পৃ. ১৯, ৩১। উসুলে কাফি, ১ম খণ্ড, পৃ. ৪৬১। মুনতাহাল আমাল, পৃ. ১৫৯।
- ৪৯। আর রাহমান, ১৯।
- ৫০। আর রাহমান, ২২।
- ৫১। বিহারুল আনওয়ার, ৪২ ও ৪৩তম খণ্ড। মানাকিবে শাহরে আশুব, ৩য় খণ্ড, পৃ. ১০১।
- ৫২। বিহারুল আনওয়ার, ৪৩তম খণ্ড, পৃ. ১২। মায়ানি আল আখবার, পৃ. ৬৪, ইলাল আশ শারায়ি, মাক্তাব-ই- তাবাতাবাঈ, কোম কর্তৃক মুদ্রিত, পৃ. ১৭৩।
- ৫৩। বিহারুল আনওয়ার, ৪৩তম খণ্ড, পৃ. ৪৫। মানাকিবে শাহরে আশুব, ৩য় খণ্ড, পৃ. ১১৬।
- ৫৪। বিহারুল আনওয়ার, ৪৩তম খণ্ড, পৃ. ৪৬। মানাকিবে শাহরে আশুব, ১৩তম খণ্ড, পৃ. ১১৬।
- ৫৫। আন নাজম : ৩, ৪।
- ৫৬। বিহারুল আনওয়ার, ৪৩তম খণ্ড, পৃ. ৩৯, ৪০। কাশফুল গুম্মাহ্, ২য় খণ্ড, পৃ. ৬। মানাকিবে শাহরে আশুব, ৩য় খণ্ড, পৃ. ১১৩।
- ৫৭। বিহারুল আনওয়ার, ৪৩তম খণ্ড, পৃ. ৪২। মানাকিবে শাহরে আশুব, ৩য় খণ্ড, পৃ. ১১৪।
- ৫৮। আন নূর : ৬৩।

- ৫৯। বিহারুল আনওয়ার, ৪৩তম খণ্ড, পৃ. ৩২, ৩৩। মানাকিবে শাহরে আশুব, ৩য় খণ্ড, পৃ. ১০২। বাইতুল আহযান, পৃ. ১৯।
- ৬০। বিহারুল আনওয়ার, ৪৩তম খণ্ড, পৃ. ৩৯। মানাকিবে শাহরে আশুব, ৩য় খণ্ড, পৃ. ১১২। বাইতুল আহযান, পৃ. ১৬০।
- ৬১। কাশফুল গুম্মাহ, ২য় খণ্ড, পৃ. ২৪।
- ৬২। বিহারুল আনওয়ার, ৪৩তম খণ্ড, পৃ. ৩৯। মানাকিবে শাহরে আশুব, ৩য় খণ্ড, পৃ. ১১২। কানযুল ফাওয়াইদ, কারাজেকি, মাকতাবাহ মুসতফাভী, কোম, পৃ. ৩৬০, পঞ্চম অধ্যায়; রেসালাহ আত্ তায়া' জুব। ফুসুল আল মুখতারাহ, শেখ মুফিদ, পৃ. ৫৭।
- ৬৩। কাশফুল গুম্মাহ, ২য় খণ্ড, পৃ. ২৪।
- ৬৪। আমালী, সাদুক, পৃ. ৯৯, ১০০।
- ৬৫। কাশফুল গুম্মাহ, ১ম খণ্ড, পৃ. ৪৯৩। মুনতাহাল আমাল, পৃ. ৬৮, দ্বিতীয় হিজরীর ঘটনাবলী বর্ণনা প্রসঙ্গে।
- ৬৬। বিহারুল আনওয়ার, ৪৩তম খণ্ড, পৃ. ৯২, ৯৩, ৯৭, ১০৭। মানাকিবে শাহরে আশুব, ২য় খণ্ড, পৃ. ২৯। আমালী, তুসী, ১ম খণ্ড, পৃ. ৪২। কাশফুল গুম্মাহ, ২য় খণ্ড, পৃ. ৩১। উসুল আল কাফি, ১ম খণ্ড, পৃ. ৪৬১। উয়ুনু আখবার আর রিয়া, ১ম খণ্ড, পৃ. ২২৫।
- ৬৭। কাশফুল গুম্মাহ, ১ম খণ্ড, পৃ. ৪৭৭, ৪৯৫। মানাকিবে শাহরে আশুব, ২য় খণ্ড, পৃ. ৩০, ৩১।
- ৬৮। বিহারুল আনওয়ার, ৪৩তম খণ্ড, পৃ. ১২৪, ১২৭। কাশফুল গুম্মাহ, ১ম খণ্ড, পৃ. ৪৮০, ৪৮১, ৪৮৩। মানাকিবে শাহরে আশুব, ৩য় খণ্ড, পৃ. ১২৬, ১২৭। আমালী, সাদু , পৃ. ২২৩, ২২৭, ৩৫৬, ৪৪৯, ৪৫০। মুসতানাদ আল ইমাম আর রিয়া, ১ম খণ্ড, পৃ. ১৪০, ১৪৩।
- ৬৯। কাশফুল গুম্মাহ, ১ম খণ্ড, পৃ. ৪৮০, ৪৮৯।

৭০। বিহারুল আনওয়ার, ৪৩তম খণ্ড, পৃ. ৯৩, ১১১, ১১২। আমালী, তুসী, ১ম খণ্ড, পৃ. ৩৮।  
এই রেওয়াজের শেষাংশটুকু শাহরে আশুব মানাকিব রচিত গ্রন্থের ৩য় খণ্ড, পৃ. ১২৭ এ উল্লেখ  
করা হয়েছে।

৭১। আমালী, তুসী, ১ম খণ্ড, পৃ. ৩৯। বাইতুল আহযান, পৃ. ৩৩, ৩৪।

৭২। বিহারুল আনওয়ার, ৪৩তম খণ্ড, পৃ. ১১৪। মানাকিবে শাহরে আশুব, ৩য় খণ্ড, পৃ. ১২৯।

৭৩। আদ দোহা : ৫।

৭৪। রাওদ্বাহ আল কাফি, পৃ. ১৬৫, ইসলামিয়া প্রেস, তেহরান থেকে প্রকাশিত।

৭৫। বিহারুল আনওয়ার, ৪৩তম খণ্ড, পৃ. ৪২, ৮২; বাইতুল আহযান, পৃ. ২৩।

৭৬। বিহারুল আনওয়ার, ৪৩তম খণ্ড, পৃ. ৫০, ৫১; বাইতুল আহযান, পৃ. ২১।

৭৭। বিহারুল আনওয়ার, ৪৩তম খণ্ড, পৃ. ৩১; তাফসীরে আইয়াশী, ১ম খণ্ড, পৃ. ১৭১।

৭৮। বিহারুল আনওয়ার, ৪৩তম খণ্ড, পৃ. ১৩৪। কাশফুল গুম্মাহ, ১ম খণ্ড, পৃ. ৪৯২। বাইতুল  
আহযান, পৃ. ৩৭।

৭৯। বিহারুল আনওয়ার, ৪৩তম খণ্ড, পৃ. ৫৩। কাশফুল গুম্মাহ, ২য় খণ্ড, পৃ. ৩০। মানাকিবে  
শাহরে আশুব।

৮০। বিহারুল আনওয়ার, ৪৩তম খণ্ড, পৃ. ৮৪। মানাকিবে শাহরে আশুব, ৩য় খণ্ড, পৃ. ১১৯।  
মুনতাহাল আমাল, পৃ. ১৬১। বাইতুল আহযান, পৃ. ২২।

৮১। কাশফুল গুম্মাহ, ২য় খণ্ড, পৃ. ২৫, ২৬। বিহারুল আনওয়ার, ৪৩তম খণ্ড, পৃ. ৮১, ৮২।  
মুনতাহাল আমাল, পৃ. ১৬১। বাইতুল আহযান, পৃ. ২২।

৮২। বিহারুল আনওয়ার, ৪৩তম খণ্ড, পৃ. ৯১। রিয়াহিনুশ শারিয়াহ, ১ম খণ্ড, পৃ. ২১৬।  
মুনতাহাল আমাল, পৃ. ১৬১, ১৬২।

৮৩। কাশফুল গুম্মাহ, ২য় খণ্ড, পৃ. ২৩, ২৪। মানাকিবে শাহরে আশুব, ৩য় খণ্ড, পৃ. ১১৯।  
মুনতাহাল আমাল, পৃ. ১৬১।

৮৪। বিহারুল আনওয়ার, ৪৩তম খণ্ড, পৃ. ৯২। মুনতাহাল আমাল, পৃ. ১৬২।

৮৫। ‘ফিদ্দা’- একজন বিশিষ্ট পরহেজগার রমণী। তিনি হযরত ফাতেমার গৃহে পরিচারিকার কাজ নিয়েছিলেন। এটা স্মরণ রাখা দরকার যে, হযরত ফাতেমা স্বয়ং বর্ণনা করেছেন যে হযরত আলীর সাথে তাঁর দাম্পত্য জীবনের প্রথম কয়েক বৎসর বেশ কষ্ট ও অভাবে অতিবাহিত হয় (বিহারুল আনওয়ার, ৪৩তম খণ্ড, পৃ. ৮৮)। কিন্তু মহানবী (সা.) যখন ফাদাক বাগানের মালিকানা হযরত ফাতেমাকে দান করে দেন তখন অবস্থা পূর্বের চেয়ে কিছুটা ভাল হয়। আরো বর্ণিত আছে যে রাসূল (সা.) ফিদ্দাকে হযরত ফাতেমার নিকট দান করে দেন (মানাকিবে শাহরে আশুব, ৩য় খণ্ড, পৃ. ১২০)। ইতিহাসে দেখা যায় যে, আহলে বাইত (আ.) কষ্ট ও অভাবের মধ্যে জীবন-যাপন করতেন। আবার অন্য রেওয়াজে গৃহে পরিচারিকার কথা বলা হয়েছে। এটা মনে রাখতে হবে যে, এ সমস্ত ঘটনা হযরত ফাতেমার জীবনের বিভিন্ন সময়ে সংঘটিত হয়েছে।

৮৬। বিহারুল আনওয়ার, ৪৩তম খণ্ড, পৃ. ২৮। বাইতুল আহযান, পৃ. ২০।

৮৭। বিহারুল আনওয়ার, ৪৩তম খণ্ড, পৃ. ৮১। উয়ুনু আখবার আর রিয়া (আ.), ২য় খণ্ড, পৃ.

৪৫। অল্প কিছু তারতম্যসহ সংক্ষিপ্তাকারে ‘মানাকিবে শাহরে আশুব, ৩য় খণ্ড, পৃ. ১২১- এ উল্লিখিত হয়েছে।

৮৮। বিহারুল আনওয়ার, ৪৩তম খণ্ড, পৃ. ৮৩, ৮৪। মাকারিমুল আখলাক, পৃ. ৯৪, ৯৫ (বৈরুত প্রিন্ট)। উক্ত রেওয়াজে সংক্ষিপ্তসার নিম্নের গ্রন্থদ্বয়েও উল্লেখ আছে : মুনতাহাল আমাল, পৃ. ১৫১, ১৬০ এবং মানাকিবে শাহরে আশুব, ৩য় খণ্ড, পৃ. ১২১।

৮৯। আল ইমরান : ৯২।

৯০। রায়াহিনুশ শারিয়াহ, ১ম খণ্ড, পৃ. ১০৬, ‘তাবারুল মুযাব’ গ্রন্থ থেকে উদ্ধৃত।

৯১। হিজর : ৪৩, ৪৪।

৯২। কিসাস : ৬০ এবং আশ শুরা : ৩৬।

৯৩। রায়াহিনুশ শারিয়াহ, ১ম খণ্ড, পৃ. ১৪৮। বাইতুল আহযান, পৃ. ২৮, ২৯।

৯৪। আলে ইমরান : ৩৭।

- ৯৫। কাশফুল গুম্মাহ, ২য় খণ্ড, পৃ. ২৬, ২৯। আমালী, তুসী, ২য় খণ্ড, পৃ. ২২৮- ২৩০। বিহারুল আনওয়ার, ৪৩তম খণ্ড, পৃ. ৫৯- ৬১। এর সংক্ষিপ্তসার বিহারুল আনওয়ার, ৪৩তম খণ্ড, পৃ. ২৯- তেও রয়েছে। মানাকিবে শাহরে আশুব, ৩য় খণ্ড, পৃ. ১১৭।
- ৯৬। আলে ইমরান : ৩৭।
- ৯৭। বিহারুল আনওয়ার, ৪৩তম খণ্ড, পৃ. ৫৬- ৫৮।
- ৯৮। বিহারুল আনওয়ার, ৪৩তম খণ্ড, পৃ. ৪০ এবং উক্ত রেওয়াজেতের সার- সংক্ষেপ ‘মানাকিবে শাহরে আশুব’ গ্রন্থে বর্ণিত হয়েছে।
- ৯৯। বিহারুল আনওয়ার, ৪৩তম খণ্ড, পৃ. ৩০।
- ১০০। বিহারুল আনওয়ার, ৪৩তম খণ্ড, পৃ. ২৯। এ রেওয়াজেতের অনুরূপ তবে সামান্য পার্থক্যসহ ‘মানাকিবে শাহরে আশুব’- এর ৩ম খণ্ড, পৃ. ১১৬- এ উল্লেখ আছে।
- ১০১। আমালী, সাদুক, পৃ. ২১২- ২১৬। কাশফুল গুম্মাহ, ১ম খণ্ড, পৃ. ৪১৩- ৪১৭।
- ১০২। আল ইনসান : ৮।
- ১০৩। মানাকিবে শাহরে আশুব, ৩য় খণ্ড, পৃ. ১০৬, ১৪৭, ১৪৮। মুনতাহাল আমাল, পৃ. ৬৮ (যেখানে হিজরী দ্বিতীয় বৎসরের ঘটনা বর্ণনা দেয়া হয়েছে)।
- ১০৪। আমালী, তুসী, ১ম খণ্ড, পৃ. ১৫৪, ১৬৯, ১৭০। আমালী, সাদুক, পৃ. ৩৮১, ৩৮২। উসুলে কাফি, ১ম খণ্ড, পৃ. ২৮৭। ফুসুল আল মুখতার, শেখ মুফিদ (কোম প্রিন্ট), পৃ. ২৯, ৩০।
- ১০৫। কাশফুল গুম্মাহ, ২য় খণ্ড, পৃ. ১৩। উক্ত রেওয়াজেতের কাছাকাছি বর্ণনায় আমালী, সাদুক, ১ম খণ্ড, পৃ. ৮৮- এ বর্ণিত আছে। আমালী, তুসী, ১ম খণ্ড, পৃ. ২৫৭ এবং ২য় খণ্ড, পৃ. ১৭৭, ১৭৮। আমালী, মুফিদ, পৃ. ১৮।
- ১০৬। আলে ইমরান : ৫৯।
- ১০৭। আলে ইমরান : ৬১।
- ১০৮। মানাকিবে শাহরে আশুব, ২য় খণ্ড, পৃ. ১৪২- ১৪৪। কাশফুল গুম্মাহ, ১ম খণ্ড, পৃ. ৪২৫, ৪২৬। মুনতাহাল আমাল, পৃ. ১১৪, ১১৭, ১৭৬, ১৭৭। ফুসুলুল মুখতার, শেখ

মুফিদ, পৃ. ১৭। আর সহীহ মুসলিম, মুসনাদে আদ বিন হাম্মাল এবং আবু নাঈম ইস্পাহানী রচিত “ফি- মা নাযালা মিনাল কুরআন ফি আমিরুল মুমিনীন” গ্রন্থে, তাফসীরে কাশশাফ এবং আগানী আবুল ফারাজ ইস্পাহানী ও শিয়া- সুন্নী আলেমদের লিখিত অনেক গ্রন্থে এবং অধিকাংশ তাফসীরের কিতাবগুলোতে মুবাহিলার এ মর্যাদাপূর্ণ বিষয়ে আলোকপাত করা হয়েছে।

১০৯। বিহারুল আনওয়ার, ৪৩তম খণ্ড, পৃ. ৪০। মানাকিবে শাহরে আশুব, ৩ম খণ্ড, পৃ. ১১৩।

১১০। বিহারুল আনওয়ার, ৪৩তম খণ্ড, পৃ. ৪০। মানাকিবে শাহরে আশুব, ৩য় খণ্ড, পৃ. ১১৩।

একই ধরনের রেওয়ায়েত সামান্য তারতম্যসহ আমালী, সাদুক, ২য় খণ্ড, পৃ. ১৪ এবং মুহাদ্দীসে কোমী রচিত বাইতুল আহযান, পৃ. ১৫- তে লিপিবদ্ধ আছে।

১১১। বাইতুল আহযান, মুহাদ্দীসে কোমী, পৃ. ১৩৭। মুনতাহাল আমাল, পৃ. ১৬৩। কানযুল ফাওয়ায়েদ, কারাচেকী, পৃ. ৩৬০।

১১২। বাইতুল আহযান, পৃ. ১৪১। মুনতাহাল আমাল, পৃ. ১৬৪। আমালী, সাদুক, পৃ. ১২১। কাশফুল গুম্মাহ, ২য় খণ্ড, পৃ. ৬০।

১১৩। বিহারুল আনওয়ার, ৪৩তম খণ্ড, পৃ. ১৭৭, ১৭৮। বাইতুল আহযান, পৃ. ১৩৮।

১১৪। বিহারুল আনওয়ার, ৪৩তম খণ্ড, পৃ. ১৫৭। বাইতুল আহযান, পৃ. ১৪০, ১৪১।

১১৫। এ গ্রন্থ সংক্ষিপ্ত হওয়ার কারণে ঐ সব ঘটনাবলী বর্ণনা থেকে বিরত থেকেছি যা রাসূল (সা.) ওফাতের পর সংঘটিত হয়েছিল। দৃষ্টান্তস্বরূপ : হযরত ফাতেমার গৃহে অগ্নি সংযোগ, এ মহিয়সী রমণীর মসজিদে নববীতে গমন এবং সেখানে জনগণের চিন্তা- চেতনা পরিশুদ্ধতার লক্ষ্যে বজ্রতা করা আর বেলায়েতের সীমানা রক্ষায় প্রতিরোধ গড়ে তোলা। তদ্রূপ ফাদাক বাগানের ঘটনা এবং তা নিয়ে প্রথম খলিফার সাথে বাক- বিতণ্ডা, অসিয়ত ও শাহাদাতের বিবরণী এবং তাঁর শাহাদাতের পর অনুষ্ঠান ইত্যাদি। পাঠক মহোদয়গণ ঐ সমস্ত হৃদয় বিদারক অথচ গঠনমূলক ও তথ্য উন্মোচক ঘটনাবলীর বিস্তারিত বিবরণ সম্বন্ধে অন্যান্য গ্রন্থ যেমন মুহাদ্দীসে কোমী রচিত ‘বাইতুল আহযান’ গ্রন্থ পাঠে অবহিত হতে পারেন।

## সূচীপত্র

ওহী ও $\acute{z}n\acute{o}dyR 'n$ নবজাতক . . . . .	4
এক নজরে ফাতেমা . . . . .	4
পিতার সাথে . . . . .	6
হযরত ফাতেমার মা . . . . .	7
মদীনায় হিজরত . . . . .	9
হযরত ফাতেমার ম্মা জ্ঞ $N\acute{o}E$ ত্রা . . . . .	10
হযরত ফাতেমার $d\acute{E}$ নবী (সা.) - এর $NO\acute{h}$ ' ও ভালবাসা . . . . .	14
ঐশী বিবাহ . . . . .	18
হযরত ফাতেমার $J\acute{C}\acute{E}$ ও $j N\acute{e} N\acute{r} \acute{E}$ . . . . .	21
$n\acute{o}d\cdot$ বা দুনিয়ার $d\acute{E} \acute{E}n\acute{o}o\acute{e} ' o$ . . . . .	21
$I R\acute{o}n \acute{e} R\acute{n}$ কাজ . . . . .	21
রাসূলে $\acute{z}i d\cdot o$ (সা.) হযরত ফাতেমাকে $\acute{o}o\acute{o}n\acute{o}$ করতেন . . . . .	22
$\acute{z}n$ রমণী তাঁর $m\acute{o}N\acute{C}\acute{E}$ কাছে কিছু চায় না . . . . .	22
$I\cdot\acute{E}$ ' $\acute{o}$ জীবনে $N\acute{o}n\acute{e} \acute{E}$ সমঝোতা . . . . .	23
$\acute{o}N\acute{o}N\acute{e} o \acute{o}l' \acute{e}N\acute{o} \acute{E}$ রমণী . . . . .	23
ইবাদত . . . . .	23
ইবাদত ও অপরের $KR\acute{o} \acute{e} \acute{z}i\acute{C}o$ . . . . .	23
$N\acute{i}\cdot o$ . . . . .	24





